

武功縣志卷之一

地理志第一

夫武功古有爰氏之國也。有爰氏有女曰姜原，爲帝嚳元妃，生弃，教民稼穡，有功，堯封于爰，號曰后稷。后稷卒，子不窋嗣，不窋末年，夏后氏政衰，去稷不務，乃奔于戎狄之間。周興爲岐豐之域，平王東遷，賜豐鎬于秦，爰遂爲秦邑。至始皇列天下爲郡縣，以爰爲榮漢，改武功縣，隸右扶風。去古爰城二十里，王莽曰新光，東漢復徙古爰城，魏置爲武功郡，領美陽縣，晉改屬始平郡。後魏復爲武功郡，周改雍州。武帝建德三年，復置武功郡，治郿城，已而復爲縣。隋改

武功縣志卷之二

一

文明在天授

敘數千年沿革簡淨詳明筆筆有法極爲疎古

隸京兆郡。唐武德二年，改置稷州，以武功好時、蓋屋、郿、鳳泉隸之。尋又析始平置扶風縣。四年，以岐州圍川隸之。七年，又以隸岐州。貞觀元年，隸雍州。天授二年，又置稷州，領武功、文明、元年、析，以奉乾陵。乾寧二年，以奉天置乾州，領好時、武功、蓋屋、醴泉，而屬京兆府。後唐同光中，隸鳳翔長興元年，復立京兆，而以武功隸焉。後晉置武功郡，後周復改爲縣，宋隸永興軍路。京兆府政和八年，同醴泉移隸醴州。金改武亭縣。元復爲武功，隸乾州。明興因之，而通屬西安府，廣四十五里，袤五十里，東與平東、南鄠、南蓋屋、西南郿、西扶風、西北麟遊、北乾州、東北醴泉、城圍三里二百二

張良弼即張
思道時陝西
州郡皆李思
齊張思道所
據

十步半附雍原之麓。元末張良弼李思齊增築以據守者。

循原又列十有二城。洪武九年長興侯弟都督忠奉詔屯

戊于此以控制關內。復增築之。諸城皆至今存。舊志云雍

州之域。井鬼之次。有平原控其東。鳳岡翼其西。長川帶其

北。終南太白揖其南。蓋古形勝之區。強武之國也。治凡十

五里。里名見建置志社學下

有釐氏國。說文炎帝後姜姓所封。釐音台。不窋。括地志不窋故城在慶州如化縣南三里。

窋。詩列天下為郡縣。即武功。俱屬內史。以釐為榮。後漢地理志。部亭註曰秦

是榮縣。漢改武功縣。元和志武功秦孝公時置。柳子厚後省。云秦作四十一縣。即美陽武功各

異。隸右扶風。按前漢地理志右扶風有漆釐武功三縣。新光。按後漢郡國志。永平八年復武

武功縣志卷之二

功徙古釐城。寰宇記東漢省釐縣自魏置武功郡。按魏

縣屬扶風郡。後魏扶風郡領縣五。併武功屬焉。太和十

一年分扶風置武功郡。寰宇記後魏移美陽於故部城

中。周改雍州。無考。周書武帝天和元年復置武功郡。隋

書周置武功郡。復為縣。寰宇記周省武功郡別開川見

地理志。翻本隸岐州。唐書云以置稷州。唐書天授二年

作國川誤。部隸岐州。置稷州。大足元

年州金改武亭。金志以顯宗諱長興侯名炳

廢。更武功為武亭。長興侯。文

舊志有山原七川六太乙山。鶴蓋屋太白武功兩山與表

谷水屬鄠五丈原屬岐三時原屬扶風。故俱不復載。載其

今有者。東原在縣東其南。雍原相直或曰通西原皆謂雍原云。

雍原卽縣西原城所附者古周原也鳳岡者原北行岡也
武亭川縣川也其南十二里古川口蓋漆水川也

通鑑武亭川註川
在漆渭交合處

漆水縣東門外水今謬爲武水者也自鹵岐之間來縣北
受浴水南受漳水入渭鄭漁仲序地理畧謂天下如指諸
掌而信漆由富平人渭之說蓋括地志未審鹵岐涇渭脉
絡所在富平在涇東漆在涇西安有岐梁之水越涇而東
再至富平始入渭也漁仲誤且如此况其餘乎詩曰自土
沮漆漢書曰釐在漆縣今卽與釐同封里有漆村是也
按縣漆水源出舊普潤縣西青青山下經麟遊合岐杜
諸水下好時至黃家堡入縣界 漁仲名樵莆田人宋

武功縣志卷之二

三

迪功郎學者稱夾漆先生著通志
前漢地理志漆注水在縣西

浴水乾州西夾道水也亦從鹵西梁山來意此或卽沮水
關西人讀浴若干于沮固易訛爾漁仲亦以東自富平入

渭殊誤

按乾州西夾道水名漠谷音莫欲說云沫浴漠谷水出
永壽麻亭嶺經乾州西南三十里行夾谷中至董晁村
入縣界

漳水卽闡川水自扶風東門外受鳳泉水至縣南從漆水

入渭

建子溝在縣南十七里近慶善宮

唐太宗
懸孤地

羣水源出岐
山羣谷

南岐漆山漆
溪
說雖未確筆
意自佳讀者
學其文可也

詩小雅吉日
漆沮之從此
漆在涇之東
卽禹貢之漆
也與古公自
土沮漆之漆
在鹵地者別
漁仲謂由富
平入渭蓋指
禹貢之漆耳
括地志漆水
源出普潤東

美陽故城在縣西原八里後漸徙鳳泉東則今扶風境內也

古釐城在縣南八里漆村東古有釐氏之國也今縣西南三十里亦有釐城者前漢徙置之爾

史記正義曰故雍縣南七里故釐城一名武功縣又曰故釐城在雍武功西南二十二里

高泉宮在古美陽城秦宣太后宮也

宣太后秦昭王母

接唐書高祖武德四年幸慶善宮

慶善宮在川口東南今没于渭唐高祖故宅武德六年改名慶善宮太宗所生宅也貞觀六年幸之宴從臣賞賜閭

武功縣志卷之一

予承累聖懸弧亦在茲弱齡逢運改提劍鬱匡時指麾八

荒定懷柔萬國夷梯山咸入欵駕海亦來思單于陪武帳

景逐一作日逐螭一作機

景逐衛文螭端辰朝四岳無為任百司霜節明秋景輕冰

元黃一作芸黃儲峙一作承頽

結水湄元黃遍原隰儲峙積京坻共樂還譙燕歡此大風

呂才清平人

詩起居郎呂才被之管絃為功成慶善樂名九功之舞十

一年冬獵于武功賦冬狩詩曰烈烈寒風起慘慘飛雲浮

他本踏作格亡作巴角作解俱訛慶一作兕鳴鴛當作鴻驚

金鞍移上苑玉勒騁平疇旌旗四望合且網一面求楚路

冬狩及再幸慶善宮二詩似道與前貞

靜戈迴嶺日收心悲洛瀆逸意在因再幸慶善宮上更賦

渭濱遊禽荒非所樂撫轡更招憂

詩曰代馬依朔吹驚禽愁昔叢况茲承睿德懷舊感深衷

白水巡前勝丹陵幸舊宮列筵歡故老高宴聚新豐駐蹕

撫田峻迴輿訪牧童瑞氣縈丹闕祥烟散碧空孤嶼含霜

白遙山帶日紅於馬
帝又有過武功舊宅詩二篇許敬宗

上官儀應制奉和焉今悉著于篇可以觀見當時之盛云

帝詩其一新豐停翠輦誰邑駐鳴笳園荒一徑斷臺古半

階斜前池消暑水昔樹發今花一朝辭此地四海遂成家

其二金輿巡白水玉輦駐新豐紅落藤披架花殘菊破叢

庭鋪荒草蔓流竭半池空初風蘭凋徑舒珪葉剪桐昔地

一藩內今宅九國中築海濱澄鏡鎗戈器反農八表同文

軌無勞歌大風激宗飛雲臨紫極出震表青光自雨家

寰海今茲反帝鄉情深感代國樂其宴誰方白水浮佳氣

黃星聚太常參鳳鳴層閣鄧雀賀雕梁桂山猶總翠喬薄

尚流芳攀鱗有遺皓沐德林稱鴈鶴詩石關清曉夏旋與

御早秋神麾颺珠雨仙吹響飛流沛水祥雲泛宛郊瑞氣

浮大風疑漢筑叢烟入舞球翠梧臨鳳邸滋蘭帶鶴洲宮

偃伯歌元化扈蹕頌王遊遺簪謬詔獎珥筆荷恩休

後又改為慈德寺史逸其年今寶村北仍有寺名慈德蓋沒而遷者也

武功縣志卷之二

齋亭在縣西南三十里漢地理志載亭長事者也東漢徙

縣古齋城而以為亭也今屬扶風縣

後漢王恽字少林除郿令到官至齋亭亭長曰亭有鬼

不可宿也恽入亭止宿夜中有女子稱寃明旦召游徽

詰問伏辜見獨行傳

高望亭在縣東二十五里唐天后武氏行宮世說中宗築

以望乾陵者

綠野亭今在縣南郭東外為宋儒張子子厚寓所張子與

武功簿張山甫厚故武功弟子因從子厚遊亭此講學焉

弘治八年冬戶部尚書沁水李瀚時以御史巡按至諸生

以白御史御史廼謀于提學副使今少傅吏部尚書楊公

環別本作求
誤偃伯疑即
偃師
慈德寺今在
城南立節村

一清字應軍
雲南安軍州人

寬字原博長
洲人
道學碑無學
字

歲字下碑無
矣字上句孟
字下有矣字

綠野書院非
綠野亭故址
也

以事委之學
通事字上碑
有其字

說學校科第
不相背極精
切
續其故翼碑
作華其故習

一清楊公以知縣學通有良治能用其民一以責學通踰
年乃成改曰綠野書院擇師授徒文教彬彬然勃然興焉

書院前為堂祠祭子厚而後建講堂學舍故禮部尚書吳

文定公寬有碑碑曰關中有大儒曰橫渠張先生當宋之

比夫自堯舜至于孔子率五百歲而道一傳孔子沒而道

無所屬此孟子之自叙而其自任之意亦可見也至昌黎

韓氏以制之不符其傳則直歸之孟子然至其時已千

歲矣所謂以其不符則過矣者而秦漢以下儒者亦多而曰

不得其傳則孟子豈易比哉自唐至于宋又五百歲始得

濂溪周子有程子先生實並時而出而君子獨以先生

比之孟子也程子亦推稱之則其人品之高豈非振古豪

傑之士也是時學者爭師宗之人至于今過其地仰

其人肅然起敬不能自已武功為西安屬縣城南有綠野

亭先生之遺跡也蓋先生少時學尚未醇及至洛中見程

子論易自以為弗及乃遂西還以與學者講究後既出仕

於朝他日治獄外郡而還即移疾屏居南山下以事著書

武功縣志卷之六

蓋史之所記大畧如此綠野之跡豈其西還與屏居之時

手陝西提刑按察司副使楊君應寧由近臣出領學政公

勤善教士子經指授者輒取科第君曰此非所以教學者

也嘗行縣顧瞻山水明麗可愛所謂綠野亭者歲久既毀

而遺址猶存先賢風旨宛然如見始謀即其地構屋以祠

先生別為屋俾士子講習其中庶幾仰止景行之意諸生

聞之相與感激言于巡按御史李君叔淵叔淵雅重風教

乃下其事于君君以縣令宋學通嘗復古廢祠亦知急先

務者復以事委之學通方經度財用而邦人士咸樂相助

數月而功畢名之曰綠野書院擇士子充于其中而以縣

學訓導趙文傑為之師俾日講性理之學凡縣學諸生則

三日一至聽講其規約大率與白鹿雒陽類未幾若西安

鳳翔諸生聞風就學者踵至君時坐堂上躬督勸之風氣

手道學之流行也君既喜其志之成間以書請記夫養士

于學校取士于科第此固朝廷今日之法然學校之所講

習者皆經傳之精微欲用其人特以科第取之耳為士者

昧其意以聖賢之言止用以資為利祿之計而不知道與

法之不相背也今幸賢憲臣有見於此續其故翼特為此

舉以作興之學政之大無踰於此其用心可謂至矣使今

之領學政者皆如君之用心風教其丕變也乎雖然聖賢

此段更切要
可為關學指
南

之言學者於此無弗當講者而橫渠先生尤吾今日臯比
之師也其書則正蒙西銘具在因其言求其心反之於躬
見之於事而又謹其節文循其以禮為教之規拔于流俗
為世醇儒此固賢憲臣所望于士子者也于是取科第出
為世用以行其所學賢憲臣之意亦豈為士子禁哉書院
建于弘治九年六月工畢于是年十二月明年十月癸未
記今去改建才二十三年矣其廢壞已十四五况久遠乎

綠野亭故在漢義勇武安王廟後稍北原岸下有古洞成
化未猶傳有石刻亭記居民惡其害已也乃投其石于井

中宋侯欲去狹隘且厭與細民爭校故移之于此此故葆

真庵宋侯易民田恢闢得何若仍置諸岸下為實錄近理

也縣學訓導趙文傑詩城南步百路西村四五常開小洞

影遠帶河流今古痕仰止橫渠尋未得日中立馬到黃昏
正德壬申翰林院修撰高陵呂柟於綠野書院謁橫渠先

武功縣志卷之一

七

茲邦君子謂
對山也

生祠堂詩二月入武功載謁橫渠祠春桃雜芳澗好鳥鳴
天枝綠野終南翠含情實在茲昂求曾夙夜人亡道未涯
徹臯下程氏執禮西仲尼表時脫支蔓訂頑那有私瞻依
真氣象無復夢中疑茲邦有君子跡殊路不岐豪邁存餘
烈高懷有我知鵬飛要扶搖鯨化
自天池斯文應不斬白日令見之

岸高也
岸顏入聲

常應物宅應物長安人漁陽兵亂後流落失職始更折節

讀書屏居于武功然莫知何里其經武功舊宅詩云

遊嘉會常在日歷載俄二九始往今來復感感居人少茫
茫野田綠風雨經舊墟毀垣迷在躡門臨川流駛樹有羈
雌宿多累恒悲往長年覺時
速欲去中復留徘徊結心曲

姜原墓舊志云在上南門外南去三百六十步又西四十

步有三坎墓在坎上與東原梅家庄直

矣寶十四載
安祿山反於
漁陽

隋煬帝墓在縣西原武德五年八月辛亥唐高祖葬帝于此

按煬帝本紀將軍陳稜葬帝於吳公臺下唐平江南之後改葬雷塘唐高祖本紀武德五年八月辛亥葬隋煬帝唐地理志武功西原殤帝所葬殤帝無考煬殤字相似易訛

蘇武墓在縣北

蘇許公墓在縣西南博村其神道碑在新寨西道南

石墨鐫華碑隸書剝蝕過半書法猶有漢魏遺意金石畧云盧藏用書而金石錄云藏用撰書文苑英華藏用撰序張說撰銘

游師雄墓在縣西北八里碑為耕者沒之地華表存焉

按歷代石刻游師雄墓志邵巖書石墨鐫華云志張舜民撰

武功縣志卷之二

東漢地理志曰秦在漆縣其民有會日中以相與夜中市如不為則有災咎故志曰風俗剛勁不事華侈務學力農有古人之風漢志亦曰好稼穡務本業有先王遺風然風俗與時推移繫諸習尚自予所聞見今已數變矣其可以定論哉成化時人重使氣不肯順理豪桀者至於把持治吏鄉人皆相推畏高之或至武斷於鄉今卽有冤者不敢正口下吏矣弘治時習侈善饗無豐儉之節日日擊鼓聚會靡有厭飫少年得分銀尺布則弗計蔬饌置酒彈絃不避長老時節遊行男女率治容祆服信信自見或又好爽快為賢多言習禮送死奢靡擬諸王侯壻莫婦翁至於傾

自剛而柔自著而儉隨叙隨斷波趣橫

結語精華亦有力

產蓋承平之久。法制明白。貪官污吏。毋所肆意。百姓富庶。靡有他慮。要之天下皆然。不獨此也。今或不能供賦役。葺田廬矣。然人事日趨。諸簡約。斯亦反古之漸也。

妖與禩同俗作妖估 店平聲估估輕薄也

建置志第二

縣署在城西北抵城西抵后稷廟下原麓東抵文廟洪

武初知縣祀重建倉二俱在署內原麓下草場一在城隍

廟西圍一百八步唐有柳子厚縣丞廳壁記殷頌曰邦畿千里周制千里之內曰

甸服穀梁謂之寰內諸侯為王內臣其制甚重今京兆府

理京師部二十有三縣幅員之廣其猶古也縣吏之長曰

令曰丞丞之位正八品下蓋丞述六職以輔其令也秦漢

有丞相今尚書有左右丞御史中丞至于九卿之列亦皆

有丞下以達天下之縣政有大小其旨同也武功為甸內

大縣按其圖古后稷封有郃之地秦作四十一縣郃美陽

武功各異至是合焉蓋嘗為稷州已而復縣其土疆沃美

高厚有邱陵墳衍之大其植物豐暢茂遂有秬秠藿菽之

宜其人善樹藝其俗有禮讓宜乎其大雅之遺烈焉貞元

之十五年改邑于南里既成新城凡官署舊記壁壞文逸

而未克繼之者後三年而潁川陳南仲居是官邑人宜之

號為簡靖因其族子存持地圖以來謁余為記夫以武功

高帝嘗詔天下凡以職得爵七大夫公乘以上令丞與抗

今縣南二里 許地名南里 城 他本七作七 誤

武功縣志卷之二

九

鑿字上下疑
有缺字堂字
下似不宜空

榭陂池之役倚勢作威因緣為奸至於公宇之敝往往引
嫌而不知意是誠何心哉及其屋壞垣頽蒼皇失措又負
偃植疲民蠹財不可勝計如是則公府奚賴予待罪於此
既喜民之易治又喜前人之用心顧瞻庭宇華屋在前金
碧輝映乃即封高士徹所建手詔亭也堂皇在後規摹簡
約乃藍谿呂義山所新正寢也淮陽錢秉劍鑿堂 大梁
李宗作清心堂河南趙茂曾增修錢庫及皆養院陽翟孟
通廣閣廡舍內外不完葺煥然一新唯令廳泐隘敝陋殆不
堪處驗其故記實天聖中種公世衡改造迄今八十餘年
侯復嘆曰不廢不興不敝不新舍此而不事不惟有愧於
前人之用心亦何其夫樂因循而憚改作者邪矧是廳也
頒詔出令承流宣化之所臨制劇邑終繹兩川喉襟數路
正當四達之衝亦必有以稱矣於是慮材鳩傭徹去棟楹
梁桷之折撓與夫蓋瓦級磚之缺者躬自經營悅使有術
人不以為為勞增廣制度壯偉闕耀人不以為為侈廳既成侯
會賓寮落之是日也黃童白叟闐溢庭下聽仰咨嗟始知
公府之嚴令尹之尊也如是嗚呼當是職者必有以處是
廳也處是廳者必有以任是責也侯之祖坦踐歷中外為
時聞人嘗受知於仁廟有醇儒循吏之稱所賜飛白宸翰
至今寶之侯念德不怠果能任責以孚民望真可謂善世

武功縣志卷之二

通篇雅務故
傳

徙他本作徒
作復俱誤

其家者也則斯文之作豈特記新廳之歲月揚厲侯之盛
美又得發明名邑之因以召後人故係之以詞其詞曰太
白崢嶸作鎮坤靈武功山連亘古長青堯封后稷周賜秦
嬴作邑於地因山命名漢自渭南徙古郿城宇文造周易
治中亭中亭之川原隰砥平唐為稷州作輔陪京復隸天
府邑是以寧鳳岡西拱武水南傾人尚禮遜俗務農耕神
堯誕聖瓊頰騰聲姚合發詠柳子詳評我侯臨蒞訟簡刑
清民無調發兵無戰征匪楮其私匪僥其榮克紹祖德允
協民情恢廣制度新于其廳廳非侈已乃尊朝廷吏振其
職民樂其成載瞻載仰政治惟馨敢告來者無忘經營
儒學在縣署東北抵城東西皆抵民廬而獨堂西七丈許

抵北街洪武初知縣祀建正統時知縣俊重修宋有縣令

趙茂曾碑 士志於道者常患乎不得遂其學得遂其學者

子以為榮遇焉此武功縣學之興而銘序之所以作也建
中靖國元年夏四月知京兆府孫公覽奏以壽春縣令趙
茂曾知武功事秋八月公去崇寧元年春三月茂曾始來
是秋貢士府十四縣懸格所取武功居多皆嘆息其遺者

他本錯訛者
後原碑改正

尤眾既冬邑人相謂曰哉盜賊撫良善政令之所在也孝弟嫻睦以考其行絃誦講習以和其心性命道德以進其學實士人之所望焉乃謀葺孔子廟聚生徒而淺陋不可居十二月有詔建州學縣學養士之法同僚相語以州縣吏雖尊賤有次其申明孝弟孰後先邪茂會懼然以興曰疇敢不祗若王之休命明年春訪隙地稟於府願易廟西樓店基為學舍知府事虞公策從之微木於淫祠經費于計臺轉運副使許公天啓可所請即日給官錢五十四萬資其用度於是築新基南向為麗澤堂左右前廡玦布八齋名之以道德皆新作也其東宜聖殿小學職掌之位庖厨祭器隸者所直舊舍足焉補缺益舉與新允稱總五十楹基長二十有五尋廣十有二尋餘六尺經始於二月乙丑落成於三月癸巳嗚呼學校為事必興於聖人極盛之時三代可監也蓋備所養以期所用今吾君待天下之士厚矣天下之士宜思所以副之茂曾何人獲宣聖化且得効犬馬之力於其間為遇為榮罔可言計謹拜稽首叙事勒銘著之金石以告學者銘曰夏后庠序商邦瞽宗周王頌宮申之孝弟漸摩仁義名殊迹同明明我主超三邁五人材是隆民有養則好是懿德合由以容家黨術國塾庠序學慨然聿崇遞升次舉匪私是與允期於公咨爾有眾

武功縣志卷之二

十一

學以致用勿尸厥中入孝出弟居仁由義據碑則今之縣敏則有功以副盛時允能庶幾三代之風

署乃學不知何時改易之豈金元兵燹之餘草昧之際縣廢而學存治事者姑且居之乃其後竟因而不返與正德

八年知縣劉紹重建明倫堂十三年御史張文明行縣以廟學頽敝命知縣昌修理更以渭源度頭抽分益之昌憂

去明年御史張欽行縣見其益敝乃與守巡參政畢昭副使楊鳳謀通借咸陽行棧抽稅屬同知趙錦監抽會都御

史鄭陽檄至嘉谷厥工提學副使何景明知府劉祥又通責諸知縣璋茲方集工舉事未已云倉一在堂西南

稅課局正統二年罷

邵城驛在城東南洪武初知縣祀建驛倉卽堂左右廂驛草場在驛東南城隅

長寧驛在縣東三十五里俗曰東扶風鎮軍站也成化中移置清水石嘴

按對山集驛改置清水而其卒徒皆徙自扶風

陰陽學在縣門外今廢為縣獄

醫學在大十字東舊有地三間今存其半俱知縣祀所建

僧會司在報本寺

道會司在鴻禧觀

申明亭在縣門外與旌善亭同處舊志言遊鳳有古旌善

亭又有古倉在社學之西

諸行署布政司在宣化街按察司在縣署西東面府署在

縣南北面長寧分司卽故長寧驛也敝則與興平縣合力

修之禮部侍郎河東薛文清公瑄過武功書按察分司廳壁持節西來過武功扶桑日出曉光紅渭河水遠波

聲小太白山高樹影重遺址已無慈德寺居人猶說有幾

封東行無限前朝事盡在黃塵綠野中都御史柳陽曹璉

次韻后稷封禱萬世功登臨偏感夕陽紅風生武水波千

尺雲鎖香山樹幾重唐宅基湮青草合許公礫古碧苔封

行人欲問當年事都在漁樵晚笛中侍郎南陽張周幹次

韻南有名山號武功渭河水浸曉霞紅煙迷隋塚高千尺
雲鎖卽封厚幾重比屋詩書多巨室滿城桃李總花封太
宗唐主曾生此猶說遺踪在寺中都御史淳安方漢次韻
誰向茲原啓聖功周人王業伴殘紅猶瞻王氣千年迥誰
道名山萬里重慶善有宮留佛任姜嫄無廟任雲封連城
舊跡知多少都入荆榛瓦礫中知縣宋學通次韻公暇循
阡遍武功滿川春雨落花紅泉通玉井三千丈雲鎖連城

十二重鄧伯遺亭書綠野姜嫄荒塚倚坐
封大唐天子讀書處遺跡猶存上閣中

諸急遞鋪總鋪在府衙西迤東三鋪抵興平口韓店可曾

長寧迤東北一鋪抵乾州曰董晁

諸社學舊惟儒學西有故稅課局址爾弘治癸丑知縣學

通以提學條約則里置一學又遴選其子弟可教者里設

一師已乃時督率之學各有所在。今得詳之。有興復者庶

幾因而求焉。在城里即儒學西者坊廂里在布政分司之

西俱得里在王宅村遊鳳里在遊鳳集奉安

里在奉安村韓店里在可曾鋪西馬午里在故長寧驛西

興城里在焦上村顯義里在燒香臺渭源里在東渭源村

會同里在鄭村永豐里在張捕村永安里在

南姚安村邵封里在高村姚安里在鏡照村

演武教場在東郭門北外

養濟院在邵城驛西

瀟澤園在東郭門南外

市集在縣方內者三。而縣不論最大者。長寧集月無間日

遊鳳集普濟集以日相遞而已。

祠祀志第三

文廟在縣署東宋知武功趙茂曾建元世祖十五年至元

戊寅縣令王君營復之尋擢行臺掾去長安杜淵繼為令

力成其役宋有大觀聖作之碑天下皆有刻茲不載元有
李頤碑洪武初知縣祀更建正統中知縣俊加葺治焉有
訓導出新碑二碑文辭鄙
元俱不載

里置一學設
一師聚童子
而授以小學
年十五選入
綠野書院做
朱子白鹿洞
規教之人才
其日盛乎

淡語亦佳筆
妙故也

文辭鄙元者
不載此著述
要言

社稷壇在北郭門外

風雲雷雨壇在南郭門外

厲壇在小北門外

城隍廟在東門內成化時知縣璫重修正德初知縣鍾仁

嗣修焉

姜原廟長安志在城外西南原麓間傍有后稷廟今俱亡

矣今后稷祠在城內西上故實意寺址也弘治丙辰知縣

學通改建祠後又作姜原祠

修撰呂柟登謁后稷祠詩夫

當茲土種德邈無疆有口咸食力罔極齊穹蒼二月武功

曲鸚鳴柳半黃星言拜古祠陟山雲中翔煙川睇春縣覽

極獨慘愴風塵翳寰宇肅黎裂

予腸緬惟躬稼澤誰可使均穰

唐高祖祠在鳳岡之巔前則太白行祠也太白蓋封內故

山漢永平八年建祠于此洪武丙辰都督耿忠以縣有高

祖故宅故祠高祖于太白廟堂之後而別自為太白祠記

洪武九年春予欽承上命領兵來成陝右操練屯田以為

邊備東自臨潼櫟陽高陵涇陽三原醴泉興平乾州武功

西抵鳳翔岐山扶風南至郿縣蓋屋等處悉致屯所農作

既興厄於亢陽種未得下遠近咸以為憂詢諸故老皆曰

西南太白乃本邑之名山上有泐池歲旱則奉迎是水每

禱輒應粵以四月中旬擇日齋戒躬致祝辭遣僧覺用等

齋香帛祝文詣山頂投辭請水既至率官僚吏卒暨郡民

此記有對山
點寫處亦著
述家所宜知
也

數百千人備鼓吹郊迎展祭于武功太白之神祠是夕大

雨霽霽三日乃止遠近罔不周沃及六月又旱請如前

復獲霽足秋八月禾將垂實旱甚復請禱之大雨隨至變

枯槁為欣榮易呻吟為歌嘯感神之賜甚溥也越明年丁

巳夏四月六月俱旱復奉迎請禱如前歲之儀而亦兩蒙

靈貺雨皆尺餘關輔之中軍民鼓舞二歲之間凡五禱於

神其感應可後一如影響百穀咸成年歲豐登靈貺駢臻

曷伸報答先是鳳岡上舊有神之行祠歲代綿遠廟貌傾
損門廡廢闕乃命工匠上卒補完而增修之圖繪兩壁粧
塑神像煥然一新今人於武功故城得神之碑誌於遺
廟之側其詞曰自古今顯靈之跡并歷代加封徽號蓋自
唐元宗天寶中勅建廟貌封神應公宋仁宗嘉祐初封濟
民侯七年改封明應公神宗熙寧八年進封神應王其所
以衛國濟民靈應昭晰祀典秩然歷歷可見嗚呼人敬神
而獲福神依人而廟享人以誠感神神以靈佑國此幽明
自然之理也今以神前後靈威顯應之跡直書唐有李白
刻石置於廟壁庶使後之觀者亦知所崇敬云

登太白峯杜甫喜達行在所詩因并附之

李白詩西上太
白峯夕陽窮登

攀太白與我語為我開天關願承冷風去直出浮雲間舉
手可近月前行若無山一別武功去何時復見還杜甫詩
西憶岐陽信無人遂却迴眼穿當落日心死著寒灰霧樹
行相引蓮峯望或謂所親驚老瘦辛苦賊中來其二悲思
胡笳久淒涼漢苑春生還今日事問道暫時人司隸章初
覩南陽氣已新喜心翻倒極嗚咽淚沾巾其三死去憑誰
報歸來始自憐猶瞻太白雪喜遇武功天影靜
千官裏心蘇七校前今朝漢社稷新數中興年

武功縣志卷之

五

唐太宗祠在北郭內鴻禧觀三清殿後宋元祐戊辰直龍

圖閣游師雄建有趙茂曾碑

粵有大寶聖人守焉上惟軒
義傳記罔悉道德乎堯舜仁

義於禹湯文王有周大勳集武而幽厲廢之侯國峰聚七
維蟻爭以啗祖龍而二世亡之漢乘秦虐俯首以取權操
與備因漢弱而攘裂晉則虛誕不枝而宋齊梁陳潰墊於

正統陸絕有唐嗜暴隋以興傳昭寔衰五代竊據天

開地秦乃歸於有宋之真人焉顧若相因迭為興廢者得
明主賢臣可取法有暴君汚吏足為戒者所以資我聖哲

為永永無窮太平之治其也然歷觀前史惟其有甚勢亂

之患然後生大英傑之君故必能措海宇於昇平拯黎庶

於塗炭則漢之高祖唐之太宗其倫乎按唐紀太宗文皇

帝以隋開皇十八年十二月戊午生於武功之別館有二

龍戲門外三日而去是京兆府武功縣之南有唐慶善宮

今為慈德寺乃其所也北口報本寺神堯之舊宅焉先是

縣圖雖載厥事而祀秩無文龍閣游公慨然興嘆率里人

印報本北隅經始勒貌法大壯以建殿宇想天日而形塑

繪左右壁間悉圖正觀朝臣英姿凜然彷彿見當時之盛

於是肅嚴致敬有所實元祐三年戊辰歲也後十四載洛

致他本作治
誤

日字似宜旁
寫

此文亦有對
山點意處

盛迹下碑有
之字
勒字上碑有
翠字

陽趙茂曾命長邑一日至祠下而韓公弟師韓語之
故且求以記述諾之曰僕元祐大夫與狀平涼見君之伯氏
為使者愛民以道率吏以誠觀其治而後教教化使法令
美意下決於日父野老之肌骨雖古昔名父柱母之流莫
可過者若夫新律以師則折衝尊俎笑談帷幄豫計勝否
驗若符契致朝廷威靈遠震於
班超李牧之輩無以尚矣我思其致令也則亡常企慕之
恨不得述其梗概茲幸君之及此也昔梁州人侯栢年以
廉身之名滿其門里而史筆書之不遺辨公肇是祠宇俾
後世識者以人物稱其風氣則追遠厚俗之意豈淺也哉
故論前世治亂之迹見文皇帝之英傑因記其祠之者名
字云游公名師雄字景叔大宋崇寧元年中元日謹記

不知何時作觀祠前洪武初都督耿忠重修而仍圖凌煙
功臣二十四人于左右壁其上各書唐史本傳乃更刻太

穆皇后傳及帝世系於舊刻帝幸慶善宮詩碑陰跋諸後

曰洪武丙辰春忠欽承上命領兵萬餘來關中悉建屯戍
因駢武功而控制之武功實有唐太宗誕育之地山川

武功縣志卷之二

其

孕靈篤生賢聖信不誣也暇日尋訪故基得古碑於城南
榛莽中上刻太宗御製詩二首乃舊立於慈德寺而更樹
於安養堂者碑陰載順聖皇后傳歲代縣邈字畫磨滅殆
不可辨於是感文皇之聖孝慨盛迹沉湮遂命工重為勒
復置於城北鴻禧觀蓋太宗遺像在焉庶使後人益知所
法而傳之永久云時洪武丁巳正月十有九日也康長公
為祠詩隋日生靈極羣雄問獨夫八荒歸聖歷數語見皇
圖李密終潛洛鄒陽肯事吳澹香陳闕殿想像賦懸弧
名宦祠在縣署內儀門東外所祀古今三十三人

鄉賢祠在文廟戟門西外所祀古今三十八人

報本寺高祖別宅也在北門外慈德寺見慶善宮寶意寺

見后稷祠橫渠先生祠見綠野書院太白行祠見高祖祠

鴻禧觀見太宗祠外有東嶽廟在東郭外漆水東關王廟

在南郭西外坎下火星廟在小北門外東北野田中無名氏慈

德寺詩昔年高祖宅今日梵王宮塔聳白雲外僧行綠樹
中真容唐列聖墨蹟宋諸公半日休心處烹茶話祖風羣
應物經寶意上方詩翠嶺香臺出半天萬家烟火照晴川
諸僧近住不相識且聽微鐘記往年康長公寶意寺詩傷
秋人事絕習靜入招提掃葉坐松下看書忽日西青雲雙
翼歛白髮近年齊欲別浮生者悠悠向爾栖前人同高令
登太白祠覽李思齊故城元命賦天紀八表壽同昏羣雄
各自起天眷安所存李生效時哲覽轡來此軍崇墉俯深
壑飛鳥不能伸自謂險宜恃寧知君欲仁古帝發淮浦裨
將入咸秦一鼓事乃定初接身已殉寃寃夜夜哭血風干
里聞國不務宏遠險阻何足云前人書鴻禧觀戴法師壁
結髮尚茲道半百靡所指因喜宮殿清常陪隱逸士翳言
談真詮清心詣元理雲冥雙鶴歸露下繁蛩已媿爾烟霞
人安得從圭七康阜觀東嶽廟賽神鳴鑼擊鼓天黃昏老
姆稽首如蟻蟠板呼喊盆震地起鬼怪曉崎相磨吞女兒
百十擁隊出拽朱點翠如天孫神祇若來雲若垂節拍未
竟新者奔君不見豐年黍稌
未彌壠夜半科催方採門

武功縣志卷之二

田賦志第四

起用一凡字
中用二增字
未用一計字
遂成妙文

志田用順筆
志戶口用逆
筆三視字甚
妙此對山獨
得之法也

夏秋賦與總
數不合

洪武二十四年田凡一千八百九頃一畝六分七釐永樂
十年增二十四頃二畝八分弘治十五年增二十九頃三
十畝一分正德七年計一千八百六十二頃三十四畝五
分七釐

正德七年一千九百七十有八口二萬七千四百三十
有一視弘治十五年戶增二十一口增二百五十七視永
樂十年戶增二百八口增九千八百五十四視洪武二十
四年戶增二百九十五口增一萬四千七百四十一民戶
九百

武功縣志卷之二

七十七軍戶九百一十九匠戶三十三名尉力
士戶五厨戶一打捕陰陽醫戶各二樂戶九

賦弘治已上不論論今所賦者一萬七千二百二十七石

八斗二升九合九勺一抄七撮該夏七千七百二石三斗

八升三合九勺八抄七撮秋三千五百二十五石四斗四

升五合九勺三抄綿布一千三百五十四匹二丈四尺有桑

七千二百八十株該絲綿二百三十九斤三兩五錢課程

鈔商稅九千四百貫三百文酒課三百七十貫四百文水

磨課六百九十一貫水磨與其戶今亡六七十年而課鈔

猶存乃繼徵之其里人人不能自備田賦庸調又安能他

及此此積弊深遠民由之而不知者也

當日站戶之苦如此耶讀之惻然

正賦之外有驢馬牛站五年一易易者又五年已又代之五年之內諸丁賦歲調力役事無一免焉故站戶多至流移豪右者或據其業爲己有不然卽張大聲執流移者懼自恐弗遠遭之也故益抵僻壤有終其身不能問墳墓識田廬者矣

丁賦有戶口食鹽鈔八萬九千三百一十六貫貫折銀三釐計二百六十七兩九錢四分八釐柏子仁五十斤貝母七斤石膏二斤菖蒲五斤瓜萋根七斤金銀花四斤共折銀七兩綿羯羊十隻十兩又有軍器銀四兩布價銀六兩通計二百九十四兩九錢四分八釐而其餘歲調不與焉

武功縣志卷之三

二

對山文人也而於官吏民情洞悉如此文則古趣洋溢率其筆性而已非摹擬史漢者所能到也

賦役之事往予不可曉也自所及見者其紛紜謬亂何可勝道予竊傷之焉長吏乍服官政平居未嘗規識民隱一旦據案執筆老書點算反覆相幻則不勝其煩懣至有舉手以付者矣豪民巧爲規避交倚貴重買官鬻吏無所不至戶以已爲昂而已反趨低故低者益昂昂者益低愚民輾轉相慕至以爲能不如如此不可以自快也此其儆豈一日之漸哉

只用數虛字運化許多物名舉重若輕能令極尋常之物皆成極雅極妙之文

物產五穀皆美種而瓜果蔬菜亦嘉木宜桑柘榆柳椿樗桐栢楸梓白楊竹藥稱芫花小薊甘遂地黃半夏香附車前益母薄荷烏獸惟所恒畜亦有狐兔鵲鳩隼鶉雁燕

此種筆意從史遷貨殖傳得來最能醫俗讀者宜悟入也不解此法落筆自爲鬼園冊子論東南蠶織利病洞達筆更蒼明以前官師人物傳多就歷代史書節錄亦有點竄舊志者非盡對山手筆故譽爲註之不評論文法亦不加圈

芝水唐書作
汲水

雀然在在有之。非特產也。地東南大宜木綿桑。故蠶織之美。唐書然多為細人。覬覦營利。故其人反貧。甚至寒不得衣。繼緒諺曰。物豐于所聚。利竭于所產。豈不誠然乎。

別錄曰芎藭生武功川谷

官師志第五

唐韋維字文紀進士對策高第擢武功主簿督役乾陵會歲飢維均力勸功人不知勞終太子右庶子與宋之間同時

維安陸人司庫員外郎知人子遷戶部郎中善裁割時員外宋之間善詩故時稱戶部二妙

駱賓王義烏人七歲能賦詩初為道王府屬王令賓王自

武功縣志卷之三

三

陳所不能答歷為武功主簿裴行儉總管洮州碎掌書奏不應調長安簿徐敬業敗賓王亡命不知所之

裴行儉字守約聞喜人善知人

毛若虛絳州太平人眉長覆目性殘鷲天寶末為武功丞年六十餘肅宗還京師擢監察御史後又至御史中丞有罪貶賓化尉死

李愷并州文水人舉明經高第授成安尉會母喪免自武功尉以政尤異遷主簿累官京兆尹祿山陷東京蔣清害之贈司徒諡忠懿

愷音呈按祿山陷東京留守李愷坐府中御史中丞盧奕坐臺中祿山使人執之及採訪判官蔣清皆殺之

非蔣清
害愷也

薛播河中寶鼎人擢進士累授殿中侍御史遷武功令溫
敏而裕與人交有常官至禮部侍郎卒贈本部尚書

張署貞元中舉進士博學宏詞為校書郎尋為武功尉治
有政績擢監察御史貞元十九年貶郴州臨武令尋移江

陵掾京兆府司錄參軍遷尚書刑部員外郎出為虔州刺
史與韓退之同時終河南令

陳南仲潁川人貞元十八年為武功丞邑人宜之號為簡
靖

姚合硤石人中書令元之孫也元和中進士及第調武功
尉善詩世號姚武功遷監察御史累轉給事中歷陝虢觀

令皆繼刻石置縣署中縣居詩其一縣去京城遠為官與
隱齊馬隨山鹿放雞雜野禽棲連

舍惟藤架侵堦是藥畦更思嵇叔夜不擬作詩題其二方
拙天然性為官是事疎唯尋向山路不寄入城書因病多

收藥綠溪學釣魚養身成好事此外更空虛其三微官如
馬足祇是在泥塵到處貧隨我終年老趣人簿書銷眼力

孟酒耗心神早作歸休計深居養此身其四簿書多不會
薄俸亦難消醉臥慵開眼閑行懶繫腰移花連蝶至買石

得雲饒且自心中樂從他笑寂寥其五曉鐘驚睡覺是事
便相關小市柴薪貴貧家砧杵閑讀書多旋忘賒酒數空

還長羨劉伶醉高眠出世間其六性疎常愛臥親故笑恣
悠縱出多攜枕因衙始裹頭上山方覺老過寺暫忘愁三
考千餘日低腰不擬休其七客至皆相笑詩書滿臥床愛
閑求病假因醉弃官方鬢髮寒唯短衣衫瘦漸長自嫌多
檢束不似舊來狂其八一月看除日終年損道心山宜衝
雪上詩好帶風吟野客嫌知印家人笑買琴只都隨分過

按唐書合係
元之第三子

奕會孫

更思一作更
歸

連蝶一作兼
蝶

荒城他本作
荒人誤縣一
作油

已是錯彌深廿九隣里皆相愛門開數見過秋涼送客遠
夜靜詠詩多就張題書目尋欄記藥窠到官無別事種得
滿庭莎其十窮達天應與人問事莫論微官從似客遠縣
豈勝村竟日多無食連宵不閉門齋心調筆視唯寫五千
言其十一縣僻仍宰落遊人到便回路當邊地去村入郭
門來酒戶愁偏長詩情病不開可曾衙小吏恐爲踏青苔
其十二自下青山路三年着綠衣官卑食肉僭才短事人
非野客教長醉高僧勸早歸不知何計是免與本心違其
十三日出方能起庭前看種莎吏來山鳥散酒熟野人過
岐路荒城少烟霞遠縣多同官數相引下馬上西坡其十
四作吏荒城寡窮愁欲不勝病多唯識藥年老漸親僧憂
覺空堂月詩成滿硯冰故人多得路寂寞不相稱其十五
誰念東山路栖栖守印床何年得事盡終日逐人忙醉臥
誰知叫閑書不着行人問長檢束與此豈相當其十六朝
朝眉不展多病怕逢迎引水遠通澗壘山高過城秋澄照
樹色寒雨落池聲好是吟詩夜披衣坐到明其十七簿籍
誰能問風寒趁早眠每旬常乞假隔月探支錢還往嫌詩
僻親情恹酒顛謀身須上計終久是歸田其十八閉門風
雨裏落葉與塔齊野客嫌孟小山翁喜枕低聽琴知道性
尋藥得詩題誰更能騎馬閑行祇杖藜其十九腥羶都不

武功縣志卷之三

五

晴月他本作
借月誤
假日他本作
假日謬

食稍稍覺神清夜犬因風吠隣雞帶雨鳴守官常臥病學
道別稱名少有洞中路誰能引我行其二十宦名渾不計
酒熟日開卦晴月消燈色寒天挫筆鋒驚禽時並起閑客
數相逢舊日蕭條思青山隔幾重其二十一假日多無事
誰知我獨移山入縣宅種竹上城牆驚蝶遺花蕊遊蜂
帶蜜香性慈明早出端坐吏人傍其二十二門外青山路
因循自不歸養閑宜縣僻說品喜官微淨愛山僧飯闕披
野客衣唯憐幽谷鳥不解入城飛其二十三一官無限日
愁悶欲何如掃舍驚巢燕尋方落壁魚從僧乞淨水憑客
報閑書白髮誰能鑑年來四十餘其二十四朝朝門不閉
長似在山時賓旅抽書讀兒童祈竹騎久貧還易老多病
懶能醫道友應相恹休官日已遲其二十五戚戚常無思
循資格上官閑人得事晚常骨覓仙難愁臥疑身病貧居
覺道寬新詩久不寫自算少人看其二十六謾作容身計
今知拙有餘青山迎驛使白髮憶山居道友憐蔬食史人
嫌草書須爲長久事歸去自耕鋤其二十七王印三年坐
山家百事休焚香開勅庫踏月上城樓飲酒多成病吟詩
易長愁慙慙問漁者替借手中鈎其二十八長憶青山下
深居遂性情疊壑溪石淨燒竹竈煙輕點筆圖雲勢彈琴
學鳥聲今朝知縣印裏裏百憂生其二十九自知狂僻性

吏事固相疎，抵是看山立。無因出縣居，印朱沾墨硯。戶籍雜經書，月俸尋常請。無妨乏斗儲，其三十作吏無能事。爲文舊致功，詩標八病外。心樂百憂中，拜別登朝客。歸依鍊藥翁，不知還往內。誰與此心同，又有遊春詩十二首。皆作尉時詩也。其一：正月一日後尋春，更不眠。自知還近僻，衆說過如顛。看水寧依路，登山欲到天。悠悠芳思起，多是晚風前。其二：卑官常少事，僻縣又無城。未曉衝寒起，迎春忍病行。樹枝風掉軟，菜甲土浮輕。好箇林間鵲，今朝足喜聲。其三：詩酒相牽引，朝朝思不窮。苔痕雪水裏，春色竹烟中。迎雨綠池草，催花倚樹風。盡非名利事，愛此少人同。其四：塵中主印吏，誰遣有高情。趁暖簷前坐，尋芳樹底行。土融凝野色，冰敗滿池聲。漸覺春相泥，朝來睡不輕。其五：疎頑無異事，隨例但添年。舊歷藏深篋，新衣薄絮綿。暖風渾酒色，晴日暢琴弦。同伴無辭困，遊春貴在先。其六：看春長不足，豈更覺深勞。寺裏花枝淨，山中水色高。巖雲輕似絮，新草細如毛。併起詩人思，還應費筆毫。其七：悠悠小縣吏，顛顛入新年。遠思遭詩惱，閑情被酒牽。戀花林下飲，愛草野中眠。疎懶今成性，誰人肯更憐。其八：處處春光遍，遊人亦不稀。向陽傾冷酒，看影試新衣。嫩樹行移長，幽禽語旋飛。同來皆去盡，衡夜獨吟歸。其九：朝朝看春色，春色似相憐。

武功縣志卷之三

酒醒鶯啼裏，詩成蝶舞前。摘花盈手露，折竹滿庭煙。親故多相笑，踈狂似少年。其十：卑官還不惡，行止得逍遙。晴野花侵路，春陂水上橋。塵埃生暖色，藥草長新苗。看却煙光散，狂風處處飄。其十一：身被春光引，經時更不歸。嚼花香滿口，畫竹粉沾衣。弄日鶯狂語，迎風蝶倒飛。自知疎懶性，得事亦應稀。其十二：曉脫青衫出，閑行氣味長。一瓶春酒色，數頃野花香。朝客聞應羨，山僧見亦狂。不將童僕去，恐謂損風光。書縣丞舊廳宮殿，半山上。人家向下居，古廳眠易覺。老吏語多虛，雨水澆荒竹。溪沙擁廢渠，聖朝收外府。皆是九天除，縣中秋宿鼓。絕門方掩，蕭條作吏心。露垂庭際草，螢照竹間禽。棋罷嫌無月，眠遲聽盡碁。還知未離此，時復更相尋。

宋張及舉進士爲殿中丞，祥符八年出爲武功令，有政績。

喜文學及慕姚武功之爲人，於是刻姚武功縣居諸詩四十餘首于石。

种世衡洛陽人，放兒子也。初以放蔭補將作監主簿，天聖

放字名逸隱
終南自稱退

中知武功天性嚴明政令皆嚴入禁本上俗凡所行先與民約度其可必行始布下之民以為便已也乃更求民所疾苦與祛洗之夏人犯邊自新平以下時被屠掠民洶洶莫能自保或欲避南山嶽僻中世衡集僚佐父老告曰所以敢凌我者徒以民未習戰騎射儉寡爾顧關中人何有難是者於是選其子弟可教者數千人置標的與子弟約束騎射乃鑄金錢懸標的上令曰中錢孔者以錢予之初三四人中錢孔各予一錢數日則三四十人中錢孔再踰月則數百人皆連中錢孔故當時稱武功人無弗善射者世衡之所教也初武功人數拒吏治吏苦于追集世衡曰官慢令易信故百姓不就此長吏之罪也我今請易之有所呼集但以片紙榜其門曰縣追某人期某時到追者即持所榜趨縣毋後期者其威信在人如此至今猶傳之後置制環慶腳延邊事皆有奇績官止東染院使環慶路兵馬鈐轄卒贈成州團練使羌人朝夕哭臨者數日清澗及環人皆畫像祠之

王頤為大理丞治平中遷武功令端重該博治有良績以縣故有姚武功詩刻久且蝕矣廼更以五體書刻而識之高士徹開封人為令有治績遷監察御史後復貶知縣事已而復遷御史給事中官至御史大夫

時有武功令
若飛卿見司
馬文正公集

呂義山蘭谿人擢進士初爲涇陽主簿遷知武功百姓親
之後遷監察御史至戶部侍郎

錢秉淮陽人知武功愛民慎罰民畏之如神明私無敢犯
令者三年卒于官

李宗大梁人舉進士爲鄠簿歷岐山武功令所至有政聲
後知慶陽卒

趙茂曾洛陽人先爲壽春令建中靖國元年知京兆府孫
覽奏更武功崇寧元年春始至官用法平恕三年治成百
姓咸服

孟通陽翟人以仁厚治縣號爲得體民樂其用修繕城郭

武功縣志卷之三

官署學校不刑一人人趨事赴工唯恐有不悅也官至諫
議大夫

劉幹汶陽人大觀四年知武功臨政不苟行已治事以身
爲先時民感焉詳見游靖碑

張山甫假師人熙寧間除武功主簿時朱光庭簿萬年程
伯淳簿鄠三子者齊名關中號三傑焉與張子厚善故武
功因有子厚綠野亭

元王君志失其名世祖至元中爲武功令建置廟學工欲
成擢行臺掾去

杜淵長安人繼王君知武功能繼成王君之事

光庭字公揆
鄠子門人

列以前職官
與明初知縣
相接有耿都
督一開竟成
奇格

先將知縣二
十七人總叙
亦是與前代
職官分別處
法本史記貨
殖傳
列二十七人
事具穿插題
環分合伏露

之法可作一
大傳讀
能令人稱其
惠亦賢矣
忘而不忘是
虛寫法然亦
非不能忘者

迴獲天然
有平政只是
不作意
將嚴公以下
五人總一筆
用嚴公贊蘇
公即借蘇公
額嚴公法妙

與有耿忠者鳳陽人長與侯從弟也洪武九年詔統鳳陽軍萬餘人屯戍關內而居控于武功號令嚴明士毋敢易暇片間俗庶教民忻忻與禮讓焉學校城郭皆所議置旋師之日父老送者以數萬計民至於今猶稱之曰耿三官人云終都督僉事許西子曰耿都督非武功吏以存治及武功故予得載之焉

知縣自建置初至撰志時得之于故志及父老所談說與所身見者二十有七人具以所聞者稍列其行事

嚴祀鳳陽人洪武初除故志稱其臨事簡愛民誠然官署學校與壇壝祠廟皆所創作草昧更革之際而能如此則

武功縣志卷之三

可以知其志矣

賴禮南康人第進士除知武功故志稱惠焉

宮廷靜樂人有明政予少時於父老聞其事實今忘之矣終九年無細過去

曹俊靜樂人父老云其行事無忝於官亦九年去

蘇孝澠池人正統時除有平政于民民德之嚴公以後凡言知縣者無以加蘇公也然善廉克謹事無小大無敢忽

卽不怒民無弗威弗惠民無弗懷天順壬午卒于官卒之日百姓若喪考妣故志載禱神事絕驗其精誠所感豈不

信哉今可以附見其微細正統甲子當鄉試蘇公夢神人

事涉誕而文
獨佳

民不耐煩官
却耐煩故事
無留滯

仁厚有禮四
字擴而充之
即古之循吏

民以易感如
此

三人合傳又
類顧劉公以
上七人
無惡聲亦難

治尚整肅非
有德者不能
政無元是知
大體者

告曰汝縣合舉二人明日萃當試者十一人置十一闔以
二花字內之曰得花者舉已而李紀張翹得後果二子得
舉

闔音鳩拈闔闔
取也內與納同

寇如圭宜實人性剛毅明辯迎事而決無有留滯嘗曰細
民何可令耐煩如許九年致仕去民咸思之

劉志河內人爲人仁厚有禮凡所施行務存長者民服其
教毋忍私違也嘗值歲旱聞太白靈湫身往禱之或以山
多陰氣恐其羸憊冒寒別有他咎止之不聽卒致湫來雨
隨至各沾足其所未至則絕無涓滴百姓迎勞道左以數

武功縣志卷之三

萬計見雨來則爭以雨具授公公麾去曰此神貺我民者
我何可褻易不敬九年致仕去老幼婦子哭逐扳號者不
可勝數語曰民可以誠動不可以詐劫其言豈不足信哉

李玉江西人

張英沁水人

孟琰大名人三子者雖少不逮前數公要其無惡聲云

邊鐸藁城人善罵甚威儀以賊罷去

此與鮮
魁同

劉燧鹽山人美儀宇治尚整肅民敬畏之

高璉繁峙人爽慨明允政無元焉

精粹語讀者當熟玩之

言行相顧君子也

將成化時十
二人總下斷
語正是顧獨
前後處

張宏內鄉人。成化中除為政嚴毅有斷。凡所約束。民畏之。猶鬼神。嘗曰。守令之職。治民事神而已。治民弗以禮教。是棄民也。事神不能蠲潔職業。雖誠然。猶慢也。夫刑罰以禁姦止邪。或加諸無辜。則何以訓。方來。故其行事。皆於言毋少戾矣。予少時聞長老談述張公之事。則私自識記。為政有綱紀文章。若張公。其度幾乎哉。後乃以誅罷去。至今咸以為克成化時知縣。能顯名久遠者。顧獨有張公。
成化時知縣謂寇如圭至王翼十二人
劉翼介休人。朴魯無威儀。乃為百姓侮。成蠱腫。亟歸則死。諸塗中。

武功縣志卷之三

陳潤泗水人。好俠。喜用計數。民初亦易之。然能先人急難。仗義有口。成化甲辰歲大饑。民相食。流移者十已六七。潤集父老豪傑。垂涕告曰。潤雖不才。尚賴倉有餘粟。可以活父老子弟。今悉去。將安會之。况父老素無資蓄。一旦他委溝壑。何若死首邱乎。於是發倉賑焉。士大夫百姓賴以活者萬計。而其家實不肯私內一錢。是時盜賊恣橫。屬豪傑者四捕之。雖束薪立磔。諸市由是比縣亦無盜矣。乃喜怒亡常。遇士大夫或尊禮已甚。即又嫚罵無忌。已即又佯若未罵者。故士大夫多不直云。官至應天府推官。

處盜賊不得才嚴

王翼遼東人。成化末除。寬易善。詭好遇士大夫。必尊禮之。

尊禮士大夫正是以禮片

焦上村逆旅主人陰殺旅人匿其貨置屍遍滿數井翼悉發治之時以爲能

王珍祥符人弘治二年除目盲不能任事居兩年以憂去宋學道字文淵永川人弘治四年除善治威儀與人接言笑一無所苟左右雖久侍莫能揣摩意向性剛潔謹守法今嘗曰政在去其所害而興其所利爾他皆細故雖多毋足校也於是極意砥礪至里老書算與諸在官人終其官莫得民杯酒者矣諸賦役事期在均平或百方籌計善奸極巧之人毋能肆其資緣呼集公事簡約省易止責諸直年餘盡燕坐亡擾地里遠近皆有定約故卒亡後期者

武功縣志卷之二

盡職不爲毀譽所易是有定見者

仁者之言

又喜勸勵學校日自督責諸生諸生即有所毀譽心不以易也曰我職蓋若此後稷祠綠野書院皆所創建民歡忻向工若赴絢塗居九年以誣罷去人莫不冤之然益可以證其行事矣許西子曰予爲生員時宋侯執守莊嚴蓋凜不可易云有貴勢者得罪人之賂以宋侯與善也托解之焉侯卒不肯或曰此不可失歡者公升止且夕倘弗利柰何侯曰彼良善無辜而死覲有以雪之今予明知其事又苟且弗決是上負刑典下負無辜鬼神謂何竟坐法不少貸後所以成是誣者此貴勢陰爲之爾宋侯去後遺法故行中才之吏取而行之亡弗效者至正德十二年始盡變

時插第二十六人無痕

無有矣。語曰：知之非艱，行之惟艱；行之非艱，守之爲艱。豈不誠然乎。

能近人情者
卽良吏也

忽將第二十
五人預透一
筆不測

有王意固好
視公私何如
耳

党茂，忻州人。弘治十二年除，性淳篤質直，而善緘默。御吏治民，不責於人情之外，事完令行而已。中更剛正，不畏強禦。譽來不喜，謗至不怒。有長者之道焉。當路者以爲才劣，於縣改渭源檄至，慨然委任。以去，人至今稱其賢。茂後九年而有洪劉氏益表表然長者也。

歐陽讓，吉水人。弘治十五年除，能揣摩事體，凡有所施行，惟所私計。計定，卽羣呼噪於前，佯唯唯耳。卒不以易也。事小大多寡，亡有與吏一語者。吏饒敏慧，給辨莫能窺識。所指故吏皆殊窮浸潤者，終其官雜費無紀實，不能鉤致一錢。嘗自言曰：「已旣不能廉，又使人分虐下民，此何爲者。去之日，民亦無有怨者。」

王志，遼州人。弘治十八年除，尋以憂去。改南鄭，遷金州知州。

好賢樂士其
人之賢可知

谷鍾仁，字壽卿，臨潁人。正德元年除，有奇志，喜張大炫耀。凡所施設，惟恐人弗駭異也。中顧好賢樂士，暇則延士大夫置酒高會，賦詩言志，其樂陶陶然。其意條然，非筐篋刀筆所拘繫也。再踰年以憂去。

崔傑，定州人。正德四年自鳳翔丞遷，未幾以病罷去。

如此存心不枉讀了民之父母一句

民不可先事久勞此語確不可易

劉紹字繼芳。漢人。端謹誠篤人也。正德五年。除有書手作。弊。紹發治之。踰月。書手死。其家人誣以爲杖死也。昇其屍。來請金爲葬。寮佐怒。欲治之。紹不肯。曰。人死。杖木之下者。宜不少。設果非病死。吾爲民父母。何忍其死無葬也。於是。以金予之。哀矜惻怛。猶數月未平也。紹在官。當塗者咸禮。重已甚。而居已治民。乃一切以長厚臨事。又能鎮靜閑躁。壬申癸酉之際。蜀漢有警。西征將士。供億不可勝元。他縣。皆先期飭備。人不堪命。而至多弗稱。紹待其至。始徐爲之。民不知勞。而士皆稱足。曰。民不可先事。久勞。人情勞久。則。避。故弗能爲用也。與人無間言。接士大夫。恭而有禮。公私。宴會。輒引飲不辭。卽其醉。益從容。不放。閒居。未嘗出一妄。言。十二年。以病告歸。小大一誠。終始無媿。古稱淑人君子。其儀一兮。心如結兮。蓋紹之謂也。至其犯而不較。毀譽不。形。雖故稱長厚者。亦未能或之先也。

孫昌字啓宗。陝州弘農人。正德十二年。除明年有憂。報至。卽日解印持喪。然貧莫能歸。昌因士大夫告。巡撫公。巡撫。公乃移檄縣吏。約爲治行典史。張進者。陰狡無狀人也。適。代署縣事。新與昌。昌曰。若予典史治吾事。吾亡行之日。也。於是索其派戶。來自治之。或多所低昂。民由是益不直。昌或怨言矣。進又妄把持。昌至。指爲疎闕。不得行。士大夫。

以理喻之始已易曰苦節不可貞貧寒屯乏之際誠已難
居者哉

馮瑋字玉仲遂寧人正德十三年除

縣丞有襄陵賈盛南陽寇銓蜀蔡華田濟項城魏信任邱

劉琬汾州呂彥士鄧州劉欽清平王江惟銓信終九年去

而彥士能禁輯強橫凡所施行捷於影響有機辯人咸畏

之雖廉介不足亦一時之能吏也居三年以憂去欽繼之

能道說法令有犯者雖過誤悉按法不少貸今有劉景鈞

州人正德十二年自三原簿遷

典史有董英常泰郭自經董廣劉英張儀張進董英沁人

武功縣志卷之三

十五

有才畧民敬畏之及罷去猶服用毋敢後也董廣藁城人

與宋侯同時宋侯恒用之二董之後畧無足觀者張儀儀

封人刻薄狡險善虐其民取之極骨髓及語百姓則曰吾

為吏廉士大夫不知也即有弗廉我安敢昧城隍城隍靈

當使我父子橫死同日不踰年果父子同日死壯兵祇候

儀宅者是夜未寐見二長鬚人皂衣持鎖突入儀寢兵以

為同事者俄傳儀子死兵亟尋持鎖者內無有也乃儀亦

暴死日中張進固安人科索歲無虛日民不能堪也乃益

恣肆不悛至長吏不敢制或有所不稱數持刃擊令丞戶

亮狼百種罵令丞夜以繼日母有倦也孫昌為令時進以

筆法何等簡
淨

縣丞十人
一傳典史七人
一傳得體

事雖不經亦
足示戒若庸
手為之則可
哂矣

私贓舉發已逃去一年及覘知定妥乃復來昌矜其逋久且貧委曲與收俸治事及昌憂去乃更以虛妄把持昌明年御史行縣汰去夫進視儀其惡甚不少也顧其報獨淺於儀何哉

早起即是學亦即是教無少息是學到自然處也

教諭有謝茂實富順人性嚴重不苟為笑語日雞鳴而起寒暑風雨無少息是時士習尚俠重武後則多畏憚不敢肆矣

勤以教人可謂能盡其職

楊春安岳人勤以教人而嚴以守之士畏敬感激無異存目

武功縣志卷之三

六

王文解人頗以剛毅自居然善息多疑所私比者往往陰中人過失文即以為謗已輒慢罵無已以此士多不直或怨憾矣

獨易之只是無所求於彼

林士雲邛人勤學善教歲無暇日陳澗知縣時有所會集僚佐及諸學官或不敢正目而士雲獨易之陳亦不以為慢已也九年致仕而去

論說終日無倦是講學

劉相成都人性樂易有容喜論說終日千萬言無倦也又克勤善教士多愛之後累遷唐府右長吏

教人惟恐弗皆賢此賢者之心也

曹山字東陽蜀榮縣人性敏易有學善問辯理道教人懇懇亟亟惟恐弗皆賢也當是時士習尚漸實不浮靡放恣矣曹先生繼林劉二君而造詣更遠故士益趨於學浩浩

遼庵楊公一
清也王公雲
鳳號虎谷山
西和順人

此嚴師也可
法

去後百年尚
能令人思之
如在其善教
為何如

能約束諸生
可以徵所學
矣

文傑號桂馬
聖保貞吉祖

恣縱者非夏
楚二物不能
化也
認真

乎莫之能禦也。許西子曰：曹先生時，余正為生員，親被其教。其同時有趙先生，為訓導。遼庵虎谷兩君子，又躬自督責。士之遭際已過盛矣，故宜其汲汲於學也。曹先生後至工部員外郎。

俞鼎，字伯器，洛陽人。能使諸生亡犯所令。至號整齊六年，遷鑑安知縣，有政績。尋改咸寧，再遷甘肅，行太僕寺丞。

金嘉玉，字廷獻，富順人。正德十二年補除。

訓導李善者，楚人也。有盛德，克勤善教。今去已百年，而人思之。如在後，又有曲沃人田禮、曲新一子，皆有令名。其萊

蕪人張顯、孟人張憲、泌陽人魯文、蜀人周吉，不聞其行事。

武功縣志卷之三

七

故無能述焉。

金鼎，字大器，榆次人。順貌偉容，博學善辯，以條理約束諸生。故諸生毋敢違者，日坐齋室，心休休焉。弗知其卑官矣。

趙文傑，字士英，內江人。性直遂，罔計而甘貧嗜學。寒暑顛沛不少易也。初來時，察諸生皆可教，乃殫盡心力。敢後者

則痛撻之。諸生方喜恣縱自得，故亦多私怨。謾趙先生者，趙先生乃不嫌其怨謾，已顧督責益嚴。時遼庵先生以綠

野書院新成，士就學者日廣。方遴擇學官，知無如趙先生者。於是，以趙先生綠野書院。趙先生益自砥礪，故諸生

至今能趨向於學焉。許西子曰：昔余為諸生時，趙先生顧

始梗之而終心服焉此其所以爲對山

志於教論訓導以先生稱者三人曹先生山趙先生文傑陳先生厚也

獨愛余特厚爲責索余時視科舉績學若秋毫浮烟以趙先生爲厲已也或數梗之趙先生乃遂讐視余而余亦數年不直趙先生然趙先生意在研精覃思以成余之恢廓也予卒乃其指意今夷思其行事默數其所恒觀其何節彷彿於先生孟子曰執德不回非以干祿蓋趙先生之謂矣後趙先生遷雲夢知縣有悍民趙先生力竄徙之後竟以其黨所陷罷去此故成敗之際何可論趙先生也

陳厚字熙載合州人承諸先生之後其學又富瞻可師也故諸生成愛敬之其同時有王廷鳳宜陽人後又有建昌李咸蔚州張仁然安能若陳先生者今有楊錦榮河人

武功縣志卷之三

六

醫雖小道然有足觀者其表表然顯名于時若扁鵲倉公列諸遷史况郡縣乎今得其二人附官師之末楊珣長安人以名醫召入太醫院授武功醫學訓科診治殊驗所著有傷寒撮要針灸詳說行於世康佐余從祖也以醫推擇爲訓科善方脉能與病者踰年決死生歷千百人亡一謬者有醫問三卷雜治畧五卷診法一卷

診音軫候脉也

武功縣志卷之三

人物志第六

史記后稷名棄其母有邠氏女曰姜原姜原為帝嚳元妃
 姜原出野見巨人跡心忻然說欲踐之而身動如孕者居
 期而生子以為不祥棄之隘巷馬牛過者皆辟不踐徙置
 之林中適會山林多人遷之而棄渠中冰上飛鳥以其翼
 覆薦之姜原以為神遂收養長之以初欲棄之因曰棄棄
 為兒時屹如巨人之志其游戲好種樹麻菽麻菽美及為
 成人遂好耕農相地之宜宜穀者稼穡焉民皆法則之帝
 堯聞之舉棄為農師天下得其利有功封棄于邠號曰后
 稷

武功縣志卷之三

稷帝舜曰棄黎民始饑爾后稷播時百穀別姓姬氏后稷
 之興在陶唐虞夏之際皆有令德后稷卒子不窋立

韓詩章句姜姓原字或曰諡號也詩傳名原

唐高祖神堯皇帝姓李氏諱淵字叔德隴西成紀人涼武
 昭王暉七代孫自暉五世有名天賜者為魏幢主生虎有
 功于周與李弼等八人皆拜柱國號八柱國周受魏禪追
 贈唐國公虎生昉昉生高祖獨孤皇后高祖之從母也故
 文帝與高祖相親愛大業中為岐州刺史治于武功而家

焉所謂慶善宮也太宗實生于此大業十三年高祖為太
 原留守時煬帝南遊盜賊蜂起太宗知隋必亡陰結豪傑

史記踐之下
 又有踐之二
 字較明曉
 鞏昌府志凡
 例云康太史
 志武功海內
 推焉后稷聖
 人唐祖太宗
 帝王俱收之
 人物不另標
 題或疑其棄
 太史曰太華
 高羣山倚重
 奚棄哉此名

言鉅識也

舊板每行二
 十四字惟此
 卷前二葉每
 行少三字且
 於板次未符
 似翻刻時有
 所增益非對
 山原文

舉大事懼帝不從因與裴寂選晉陽宮人私事帝乃告之
五月以詐殺副留守王威高君雅與突厥連和遂起兵而
有天下在位九年傳之太宗

幢音牀旛幢旌旗之屬
獨孤皇后文帝后

太宗皇帝諱世民神堯次子母曰太穆后竇氏開皇十八
年己卯十二月戊午生帝于武功宅有二龍之瑞方四歲
有書生謁高祖曰公在相法貴人也必有貴子及見太宗
曰龍鳳之姿天日之表年幾冠必能濟世安民書生去高
祖懼其語泄使追殺之不知所往因以爲神乃採其語名
之曰世民大業中突厥圍煬帝于鴈門帝年十六應募往

武功縣志卷之三

二

救遂隸將軍雲定興部下設疑示 遂引去後高祖起

兵徇西河斬其郡丞高德儒至霍邑會天久雨高祖欲還
兵太宗諫曰義師爲天下起也宜直入咸陽號令天下今
守一城是爲賊耳高祖不納太宗哭于軍門高祖驚召問
之曰還則衆散于前敵乘于後死亡須臾所以悲耳高祖
寤曰起事者女也成敗惟女遂進兵克長安定四方累進
中書令初高祖起太原非其本意而事出太宗及取天下
太宗功益高高祖屢許以爲太子建成懼廢與齊王元吉
日謀害太宗九年六月太宗以兵入元武門殺太子建成
及齊王元吉高祖聞之大驚遂以太宗爲皇太子八月甲

子卽皇帝位帝聰明英武其除隋之亂比述湯武政治之美庶幾成康自古功德兼隆漢以來未之有也

史傳富辰襄王大夫也襄王十三年鄭人伐滑王使伯

服游孫伯如鄭請滑鄭人不聽王命而執二子王怒將以

翟伐鄭富辰諫曰凡我周之東徙晉鄭焉依子頑之亂又

鄭之由定今以小怨棄之王不聽十五年王降翟師以伐

鄭王德翟人將以其女為后辰又諫王王弗聽後大叔通

於翟后王繇翟后翟人來誅殺譚伯富辰曰吾數諫王不

從如是不出王以我為懟乎乃以其屬死之

漢蘇建其上世因封居故蘇城蘇忿生為周司寇居河內

武功縣志卷之三

後徙武功杜陵故建或稱為杜陵人以校尉從大將軍青

擊匈奴封平陵侯以將軍築朔方後以衛尉為遊擊將軍

從大將軍出朔方後一歲以右將軍再從大將軍出定襄

亡翁侯失軍當斬贖為庶人後為代郡太守卒官有三子

嘉奉車都尉賢騎都尉中子武自有傳

史記翁侯趙信為前將軍匈奴誘之遂將其餘騎八百降單于建盡亡其軍獨以身歸

蘇武字子卿少以父任為郎稍遷至校中廐監時漢連伐

數通使相窺匈奴留漢使前後十餘輩及匈奴使來漢

亦留之天漢元年且鞮侯單于初立恐漢襲之廼盡歸漢

使武帝嘉其意遣武以中郎將使持節亦送匈奴使歸因

史記王使游孫伯服請滑此傳多一伯字

子頑莊王子釐王弟惠王之叔父也有寵作亂惠王奔溫頑為王鄭與虢君伐殺頑復入惠王太叔襄王弟叔帶也譚伯周大夫

漢書蘇建杜陵人唐宰相世系表蘇忿生徙武功杜陵建徙扶風

常引武副張
勝知謀斬常
勝請降

武杖漢節牧
羊臥起操持
節旄盡落

元與上官桀
于安有謀

前漢書酷吏
傳趙禹蔡人
也

厚賂答單于單于見漢幣遣益驕方欲發使送武等會緣
王與虞常謀反匈奴中單于使衛律論虞常欲因以降武
武不動律更曲為說武武罵絕之律知武終不可脅白單
于單于益欲降武置武大窖中絕不飲食天雨雪武臥齧
雪與旃毛并咽之數日不死匈奴以為神乃徙北海上牧
羝羝乳乃歸李陵降後單于又使陵往說武陵因武有悲
心焉昭帝即位遣使求武賜言天子射上林得雁足繫帛
知武所在單于驚始還武及其官屬尚在者惠等九人始
元六年春武至京師拜典屬國 子元坐法死以別子通
國為郎

武功縣志卷之三

四

移音移移中廐名 且子間切鞮丁奚切且鞮侯犁湖
單于之弟 緜王者昆邪王姊子也 虞常長水人
衛律使匈奴會李延年家收律懼并誅亡還 害工孝
反大窖舊積米粟之害而空者 惠常惠也惠初以假
吏隨武
往匈奴

趙禹以佐史補中都官用廉為令史事太尉周亞夫亞夫
為丞相禹為丞相史府中皆稱其廉平武帝時禹以積勞
遷為御史上以為能至中大夫與張湯論定律令禹為人
廉裾為史以來舍無食客公卿相造請禹終不行報謝務
在絕知友賓客之請孤立行一意而已嘗中廢已為廷尉
始條侯以禹賊深及禹為少府九卿酷急至晚節事益多
吏務為嚴峻而禹治加緩名為平王溫舒等後起治峻禹

禹以老徙爲燕相數歲詩亂有罪免歸後十餘年以壽卒
于家

中都官若水府史 裾讀與倨同 禹終不行句
報謝務在直一行一意師古曰以此意告報公卿史記
張湯傳直不報謝 條侯亞夫也 爲少府九卿史
記及禹爲少府比九卿 王溫舒陽陵人 詩布內反
心意昏
惑也

後漢書蘇竟
狀風平陵人

蘇竟字伯况平帝時以明易爲博士講書祭酒善圖
緯能通百家之言王莽時與劉歆共典校書拜代郡中尉
時匈奴擾亂北邊多罹其禍竟終完輯一郡光武卽位就
拜代郡太守尋拜侍中以病免初鄧仲况擁兵據南陽陰
縣爲寇而劉歆兄子冀爲謀主竟時在南陽以書曉之於

武功縣志卷之三

是仲况冀降竟終不伐其功潛樂道術作記誨篇及文章
傳于世年七十卒于家

竟爲講尚書祭酒 仲况延
岑護軍 冀字孟公善議論

蘇純字桓公建六世孫也有高名性強切而持毀譽士友
咸憚之至私相謂曰見蘇桓公患其教責人不見又思之
三輔號爲大人永平中爲奉車都尉出擊北匈奴車師有
功封中陵鄉侯官至南陽太守

大人長老之稱 後漢書純爲奉車都尉竇固軍
出擊北匈奴車師有功據此純未爲奉車都尉

後漢書李育
狀風平陵人

李育字元春少習公羊春秋沈思專精博覽書傳知名太
學深爲同郡班固所重固奏記薦育於驃騎將軍東平王

蒼光武子

元字長孫廣
借人升字辯
卿代郡人

廖子豫為步
其校尉坐殺
善怨謗免廖
歸國

後漢書蘇章
扶風平陵人
八世祖建

其後漢書作
其

蒼由是京師貴戚爭往交之州郡請召育到輒辭病去常
避地教授門徒數百頗涉獵古學嘗讀左氏傳雖樂其文
采然謂不得聖人深意以為前世陳元范升之徒更相非
折而多引圖讖不據理體於是作難左氏義四十一事建
初元年衛尉馬廖舉育方正為議郎後拜博士四年詔與
諸儒論五經於白虎觀育以公羊義難賈逵往返皆有理
證稱為通儒再遷尚書令及馬氏廢育坐為所舉免歸歲
餘復徵再遷侍中卒於官

蘇章字孺文純子也少博學能屬文安帝時舉賢良方正
對策高第為議郎數陳得失其言甚直出為武原令值歲

武功縣志卷之三

饑輒開倉廩活三千餘戶順帝時遷冀州刺史故人為清
河太守章行部案其姦臧乃請太守設酒肴陳平生之好
甚歡太守喜曰人皆有一天我獨二天章曰今夕孺文與
故人飲者私恩也明日冀州刺史案事者公法也遂舉正
其罪州境望風畏肅改并州刺史以摧折權豪忤旨坐免
隱身鄉里不交當世後徵為河南尹不赴卒于家
蘇謙章兄孫也初為郡督郵時魏郡李嵩為美陽令與中
常侍貝瑗交通貪暴為民患前後監司畏其勢援莫敢發
問及謙至部案得其臧論輸左校謙累遷至金城太守去
郡歸鄉里後私至洛陽嵩為司隸校尉為嵩所害

漢法免罷守令非詔徵不得到京師
嵩收謙詰掠死獄中嵩又刑其屍

蘇不韋字公先謙子也年十八徵詣公車會謙見殺載其
喪歸瘞而不葬仰天嘆曰伍子胥何人也乃藏母於武都
山中變姓名募劍客刺嵩不克又潛鑿地旁達嵩寢殺嵩
值嵩在厠止殺其妾及其子留書而去更以其父首祭謙
嵩因憤恚死不韋始改葬行喪後不韋竟以嵩客陷死

子胥父奢爲楚王所殺子胥復讐 不韋日夜飛馳徑
到魏郡掘嵩父阜冢斷取阜頭以祭父墓 武威段熲
與嵩素善熲爲司隸乃追咎不韋前報嵩事使從
事張賢就家收執并其一門六十餘人盡誅滅之

魏志西平趙
演叛則勒兵
討之非謂則
平演也
昭字公仁定
陶人歷官太
僕

魏則字文師漢平陵侯後也少以學行聞舉孝廉茂才
辟公府皆不就起家爲酒泉太守轉安定武都所在有威

名太祖征張魯過郡悅之使爲軍導魯破徙金城太守太
祖崩西平趙演文帝以其功加護羌校尉賜爵關內侯後
演復結旁郡爲亂則悉平之進封都亭侯邑三百戶徵拜
侍中董昭嘗枕則膝臥則推下之曰吾膝非佞人枕也初
則及臨菑侯植聞魏代漢皆發服悲哭文帝聞植不聞則
也問曰吾受禪而有哭者何也則鬚髯悉張方正論極對
傅巽指曰不謂卿也於是乃止文帝以前燉煌獻徑寸大
珠復欲求帝則對曰陛下化治中國卽不求自至求而得
之不足貴也帝嘿然後從帝獵槎桎拔尖鹿帝怒收督吏
將斬之則稽首曰陛下欲隆唐堯之化而以獵戲殺羣吏

山濤啓事稱
愉忠篤有智
意子紹字世
嗣爲吳王師
紹弟慎左衛
將軍

周書云亮祖
權魏書云湛

父擁字天祐
存考

北史亮少與
從弟綽俱知
名世稱二蘇
亮過河內常
景景謂人曰
秦中才學可
以抗山東將
此人乎

臣敢以死請帝曰卿直臣也遂赦之然以此見憚黃初四
年左遷東平相未至道病薨諡剛侯

晉蘇愉字休豫魏侍中則弟二子也兄恬襲侍中曾爲都
亭侯恬死無子愉更襲封都亭侯晉受魏禪以爲太常卿
遷光祿大夫至尚書卒

蘇稚字天祐魏侍中則之後位至中書侍郎玉門郡
守

蘇祐稚子也官至泰山郡守

蘇協亦稚子爲武功郡守

蘇亮字景順祐子也少通敏博學好屬文善章奏與弟湛

武功縣志卷之三

八

讓及從弟綽皆著名西土初舉秀才齊王蕭寶夤引爲參
軍寶夤敗孝武西遷遷吏部郎中大統二年拜給事黃門
侍郎領中書舍人宜都王爲秦州刺史文帝以亮爲司馬
謂亮曰黃門侍郎豈可爲秦州司馬直以朕愛子出藩故
以心腹相委耳賜以御馬八年封臨涇縣子除中書監領
著作修國史亮有機變善談笑周文帝爲丞相甚重之有
所籌議率臆會其旨記人之善忘人之過薦達後進如恐
弗及故當世敬慕焉歷秘書監大行臺尚書出爲岐州牧
十年徵拜侍中卒所著文都數十篇行於世子師嗣起家
黃門侍郎

儉天水人湛
從母弟
時湛臥疾於
家

蕭寶夤齊明帝第六子東昏侯寶卷母弟也寶夤作
亂以亮為黃門侍郎 孝武修西奔都於長安是為西
魏 文帝 文宣 文靜 文宣 文帝 孫 宜都王名式 周
文帝 泰始 宇文氏 文都北史周書俱作文筆

蘇湛字景儁少有志行頗涉羣書年二十餘舉秀才除奉
朝請領侍御史加員外散騎侍郎蕭寶夤討關西以為行
臺郎中寶夤反令姜儉報湛湛舉聲大哭儉止之湛曰百
口居家即時屠滅云何不哭王以窮鳥依人朝廷假王羽
翼榮寵至此今國步多虞不能竭忠報德乃欲乘人間隙
以羸敗之兵守關問鼎破亡之期不旋踵矣湛不能以積
世忠貞之基為王族滅也願乞骸骨還鄉里寶夤知湛不
為已用於聽還武功寶夤敗莊帝徵湛拜尚書郎謂之

武功縣志卷之三

曰聞卿答蕭寶夤甚有美辭湛頓首謝曰臣與寶夤周旋
契濶言得盡心而不能令其守節臣之罪也莊帝大悅加
散騎侍郎尋遷尚書孝武初以疾卒於家贈散騎常侍鎮
西將軍雍州刺史

魏書蕭衍既克建業將害寶夤寶夤穿牆夜出至壽春
之東城主杜元倫任城王澄迎之時年十六至京師世
宗禮之甚重孝昌三年反永安三年賜死 加散騎侍
郎尋遷尚書本傳云拜散騎都尉仍領郎遷中書侍郎
蘇讓字景恕幼聰敏好學初為本州主簿稍遷別駕武都

北史云讓頗
有人倫鑒

郡守鎮遠將軍金紫光祿大夫周文帝為丞相引為府屬
甚見親待出為衛將軍南汾州刺史有善政卒于官贈車
騎大將軍儀同三司涇州刺史

北史蘇綽列傳中則之九世孫也

周書綽始制文案程式朱出墨入及計帳戶籍之法

蘇綽字令綽後魏武功郡守協子也綽少好學博覽羣書尤善算術從兄讓為汾州刺史周文為魏丞相饒於都門外謂曰願言君家子弟可任用者讓因舉綽召為行臺郎中凡臺中公文皆綽與條式臺中稱能焉僕射周惠達與文帝論事乃綽所量定文帝異之曰孰與為此議者惠達曰郎中綽也後文帝與公卿觀魚昆明池問故倉地得綽對愈益敬禮乃更泛論天地造化之始歷代興亡之故金馬徐行及池不漁而返詢訪政道夜以達曙整衣而坐不覺其膝之前也即拜大行臺左丞參典機密大統十一年授大行臺度支尚書領著作監司農卿文帝方欲革

武功縣志卷之三

十

易時政務行疆國富民之道故綽益盡智能收守令長非通綽六條及計帳不得居官文帝厭文章浮華因魏帝祭廟羣臣畢至乃命綽為大誥奏行之其文與六條俱見本傳綽性儉素不事產業家無餘財以海內未平常以天下為已任文帝亦推心委任十二年卒于位年四十九也子

威嗣

周文謂周文帝泰周惠達字懷文文安人故倉地北史云漢故倉地六條一先修心二敦教化三盡地利四擢賢良五恤獄訟六均賦役

蘇椿字令欽綽弟也性廉慎沈勇有決斷魏正光中關右賊亂椿應募討之受盪寇將軍以功累遷中散大夫賜爵

文帝謂周文

帝

領兵北史云
領鄉兵

美陽子大統初拜鎮東將軍金紫光祿大夫除都督行
農郡事椿當官強濟特為文帝所知十四年置黨州鄉師
自非鄉望允當衆心不得預焉乃令驛追椿領兵其年破
槃頭氏有功除散騎常侍加大都督十六年征隨郡軍還
除武功郡守既為本邑以清儉自居小大之政必盡忠恕
進爵為侯位驃騎大將軍開府儀同三司大都督卒子植

嗣

功曹本傳作
史曹

蘇威字無畏魏度支尚書綽子也襲爵美陽縣公仕郡
功曹周革命宇文護以其女新興公主妻焉初威惡護專
權乃逃入山中未幾授使持節車騎大將軍儀同三司改

武功縣志卷之三

十一

高祖謂隋文
帝

封狄道縣公宣帝嗣位就拜開府高祖為丞相高顛屢言
其賢召入臥內與語大悅高祖受禪徵拜太子少保追贈
其父為邳國公以威襲焉尋兼納言民部尚書多讜言直
論語在本傳煬帝立加威上大將軍楊元感反帝曰此兒
聰明將不為患邪威諷之曰所謂聰明者識是非審成敗
也元感麤何謂聰明直恐亂自此階耳與宇文述對盜賊
事威曰往但據長白山今近在滎陽泗水耳復問伐遼東
威請赦羣盜遣討高麗上益怒值御史大夫裴蘊希旨劾
威詔威除名尋從幸江都帝欲復用威蘊等奏威昏耄乃
止宇文化及既弑帝以威為光祿大夫開府儀同三司化

及敗歸李密密敗歸東都越王侗以為上柱國邳公王世充僭號署太師太宗平王世充威請謁見稱老病不能拜起太宗遣人數威曰公隋室宰輔政亂不能匡救遂令品物塗炭君弑國亡見李密王世充皆拜伏舞蹈今既老病無勞相見也尋歸長安請見高祖又不許卒于家年八十

二歲

北史本傳周文帝時襲爵美陽縣公 宇文護周文帝泰長兄邵惠公顯子 高熲字昭元一名敏渤海蓆人兼民部尚書按本傳文帝九年拜尚書右僕射 加威上大將軍按本傳以本官領右武衛大將軍賜爵房陵侯尋進封房公 楊元感隋越國公素子 宇文述代郡武川人父盛仕周位上柱國 裴蘊聞喜人祖平父忌金南史有傳 化及述子

武功縣志卷之三

素字處道周汾州刺史敷子 委字栖鳳西城人

蘇夔字伯尼威子也起家為太子通事舍人楊素奇之素每戲威曰楊素無兒蘇夔無父後與鄭譯何妥議樂不行著樂志十五篇以自見仁壽三年詔天下舉達禮樂源者晉王昭為雍州牧舉夔與諸州所舉五十餘人謁帝帝指夔謂侍臣曰唯此一人稱所舉於是拜晉王友煬帝嗣位歷太子洗馬鴻臚少卿關中盜起詔夔巡關中以功進位通議大夫坐父事除名後會丁母憂不勝哀卒時年四十

九

北史夔傳覽羣言尤以鍾律自命 初名哲字知人父威由是改之

唐劉文靜字肇仁父韶仕隋戰死贈上儀同三司文靜以

死難子襲儀同侗儻有氣畧大業末爲晉陽令與晉陽宮
監裴寂善寂夜見邏堞傳烽歎曰天下方亂吾將安舍文
靜笑曰如君言英豪所資也吾二人可終羈賤乎高祖爲
唐公鎮太原文靜察有大志深自結納旣又見秦王謂寂
曰唐公子非常人也豁達神武漢高祖魏太祖之徒歟俄
坐李密親繫獄秦王顧宅無可與計者私入視之文靜喜
挑言曰喪亂方刻非湯武高光不能定也王曰今過此非
兒女子相愛直欲與共大計文靜曰上南幸兵填河洛盜
賊蟬結大連州縣小阻山澤誠能投天會機奮義大呼則
四海不足定也今汾晉避盜者文靜素知其豪傑一朝號
召十萬衆可得也加尊公府兵數萬一下令誰不願從鼓
而入關以震天下王業成矣王笑曰君言正合我意於是
卒起兵以文靜爲司馬竟平隋有天下後爲裴寂所構與
弟文起並坐法貞觀三年詔追復官爵

武功縣志卷之三

十三

蘇世長祖彤仕後魏通直散騎常侍父振周巖州刺史建
威縣侯父死王事詔世長襲爵入隋爲長安令大業末爲
都水少監煬帝被弒發喪慟聞行路更爲王世充太子太
保戍襄陽高祖與之舊數遣使喻降世長輒殺之洛陽平
始歸帝帝謂世長世長對曰古帝王受命以比逐鹿一人
得禽萬夫斂手豈有獲鹿後忿同獵者鬥爭肉罪邪帝笑

釋之授玉山屯監引見元武門與語平生後又拜諫議大夫帝欲獵武功時武功新經突厥之寇世長諫之不聽後與宴披香殿世長曰此殿煬帝作邪何雕麗底此帝曰卿好諫似直然詐也願以我所作為煬帝邪對曰臣聞瓊宮鹿臺非受命聖人所為者陛下武功舊第才蔽風雨時以為足今天下方厭隋侈以歸有道宜刈淫奢復朴素乃雕飾如此欲易其亂得乎帝咨重其言歷陝州長史天策府軍咨祭酒引為學士貞觀初使突厥與頡利爭禮不屈拒卻賂遺朝廷壯之出為巴州刺史舟敗溺死

蘇勗字慎行武德中為秦王咨議典籤文學館學士尚南

武功縣志卷之三

西

康公主拜駙馬都尉遷魏王泰府司馬博學有美名泰重之勸開館引文學士著書名家歷吏部侍郎太子左庶子卒

蘇良嗣世長子也高宗時為周王司馬王年少不法良嗣數諫王以法繩府官不職者甚見尊憚帝異之遷荊州長史帝遣宦者采竹蒔上苑所過縱暴至荆良嗣囚之上書言狀帝下詔慰獎取竹棄之徙雍州垂拱初遷冬官尚書拜納言封溫國公留守西京賞遇尤渥尚方監裴匪躬建言鬻諸苑果蔬儲利良嗣曰公儀休拔葵去織未聞天子賣果蔬與人爭利遂止遷文昌左相同鳳閣鸞臺三品遇

薛懷義于朝懷義偃蹇良嗣怒叱左右批其頰曳去武后

聞之戒曰第出入北門彼南衙宰相行來毋犯之載初元

年罷左相加特進仍知政事與韋方質素不平方質坐事

誅引逮之后辯其非良嗣悻謝不能與輿還第卒年八十

五詔百官往弔贈開府儀同三司益州都督

蘇瓌字昌容隋僕射威曾孫也擢進士第歷朗歙二州刺

史來俊臣貶州參軍人懼其復用多致書請瓌瓌叱其使

曰吾忝州牧能過待小人乎俊臣恨之由是連外徙不得

入神龍初始入為尚書右丞再遷戶部尚書拜侍中留守

京師中宗復政力毆鄭普思流儋州累拜尚書右僕射同

中書門下三品進封許國公中宗崩遺詔太后臨朝相王

以太尉輔政宗楚客阻之瓌正色曰遺制乃先帝意安得

輒改韋氏敗睿宗即位進左僕射景雲元年老病罷為太

子少傅卒年七十二贈司空荊州大都督諡曰文貞開元

二年擢中子又左補闕六年詔配享睿宗廟庭太和中錄

舊德官其四代孫翔

蘇幹瓌從父勗子也擢明經授徐王府記室參軍王好畤

每諫止之垂拱中遷魏州刺史河朔饑前刺史苛暴百姓

流徙幹檢吏督姦勸課農桑由是流冗盡復以治稱拜右

羽林將軍遷工部尚書來俊臣素忌之誣幹與琅邪王冲

為亂

盛支黨徧岐

龍間相煽誅

俊臣未至州

普思以妖幻

位秘書員外

通書繫獄發憤卒

庭頌一作廷

蘇頌字庭碩瓌子也幼敏悟一覽千言能覆誦第進士調

烏程尉再遷監察御史被詔覆來俊臣寃獄多所洗宥遷
給事中修文館學士拜中書舍人時瓌同中書門下三品
父子同在禁苑朝廷榮之元宗平內難凡制詔皆題所為
又遷工部侍郎以父喪不拜終制後詔以為中書侍郎知
制誥始給政事食尋襲封許國公開元四年進同紫微黃
門平章事修國史與宋璟同當國璟剛正多所裁決頌能
推其長帝前敷奏璟有不及輒助成之故帝皆納焉璟曰
吾與蘇氏父子同為宰相僕射長厚自是國器若獻可替

武功縣志卷之三

十六

通鑑分吏部
為十銓以頌
等十人掌之

否事至即斷公不顧私則今丞相過之八年罷為禮部尚
書又檢校益州大都督長史按察節度劍南諸州從封太
山詔頌朝覲壇世咨其文還分主十銓事辛年五十八詔
贈右丞相諡曰文憲文章與張說齊名時號燕許大手筆
云

蘇誥字廷言頌弟也舉賢良方正高第累轉給事中時頌
為紫微侍郎固辭帝曰朕自用誥卿奚不若祁奚也出為
徐州刺史治有良迹贈吏部侍郎

蘇震誥子也以蔭補千牛十餘歲強學有成人風累遷殿
中侍御史長安令祿山陷京師震與崔光遠殺開遠門吏

光遠時為京
師尹

此傳當在蘇
題前

嘉謨有集十
卷今存明水
詩一首

時宰相王與
以祈禱進

按唐書并良
嗣從孫

棄家出奔會肅宗與師靈武震晝夜馳赴行在帝嘉之拜
御史中丞遷文部侍郎廣平王為元帥以震為糧料使二
京平封岐陽縣公改河南尹累封岐國公拜太常卿代宗
幸東都復以為河南尹未行卒贈禮部尚書

富嘉謨舉進士長安中累轉晉陽尉時新安吳少微亦尉
晉陽既相友善有魏谷倚者為太原主簿金負文辭時稱
北京三傑天下文章尚徐庾浮俚獨嘉謨少微本經術雅
厚雄邁人爭慕之號吳富體豫修三教珠英韋嗣立薦嘉
謨少微益為左臺御史已而嘉謨死少微方病聞之為慟
亦卒

武功縣志卷之三

七

則天詔張昌宗撰三教珠英於內引文士李嶠等二十
六人分門撰集成一千三百卷 開元中張說與徐堅
論近世文章說曰富嘉謨如孤峰絕岸壁立萬仞
濃雲鬱興震雷俱發誠可畏也若施於廊廟駭矣

蘇源明初名預字弱夫少孤寄居徐兗工文辭有名天寶
間及進士第更試集賢院累遷太子論德出為東平太守
詔為國子司業祿山陷京師源明以病不受偽官肅宗復
西京擢考功郎中知制誥值禁中禱祠窮日夜而史思明
陷洛陽詔幸東京親征源明上疏極諫帝嘉其切直遂罷
東幸以秘書少監卒

蘇弁字元容瓌從孫也擢進士調奉天主簿德宗出狩縣
令計事在府官屬皆惶恐欲遁走弁曰昔肅宗幸靈武至

新平安定二太守坐伏匿斬以徇諸君知之乎衆乃定車
駕至儲時畢給帝嘉之試大理司直朱泚平進監察御史
累擢倉部郎中判度支裴延齡死帝召弁見延英賜紫衣
金魚以度支郎中副知度支事位郎中上度支有副自弁
始弁通學術吏事精明承延齡後平賦緩役畧煩苛人賴
其寬久之遷戶部侍郎判度支改太子詹事尋坐腐粟貶
汀州司戶參軍是時兄袞爲贊善大夫冕京兆士曹參軍
以弁故貶袞永州冕信州皆司戶參軍袞年老瞶不能視
帝聞之聽還又有稱冕才者帝悔不用重追冕遂不復用
數年起弁爲滁州刺史卒弁聚書至三萬卷手自讐定當

武功縣志卷之三

時稱與祕府埒云

蘇鶚未詳其行事崔豹古今註云有行義集十卷

元讓擢明經以母病不肯調侍膳不出閤數十年母終廬

墓次廢櫛沐飯菜飲水咸亨中太子監國下令表闕于門

永淳初巡察使表讓孝悌卓越擢太子右內率府長史歲

滿還鄉里人有所訟皆詣讓判中宗在東宮召拜司議郎

入謁武后望謂曰卿孝於家必能忠於國宜以治道輔吾

子尋卒

蘇檢字聖用舉進士歷中書舍人昭宗天復二年拜工部

侍郎同中書門下平章事朱全忠崔胤反復爲姦朝廷急

此傳當在蘇良嗣蘇瓌之間

按唐宰相世系表蘇道子蒙蒙子檢

遺經檢數為
且遣親吏告
俚俚怒曰公
不能有所為
乃欲以此相
汗耶

他本琛作深
雲作震瀛作
檀俱誤
澄尚壽安公
至明皇女也

曉歷官左諫
議大夫

於累卯檢以韓偓有才辨數言于李茂貞欲以相偓偓陰
附允知事不可不肯拜初茂貞與諸宦者恐上自別用人
故協力薦檢明年二月丙子允與全忠竟害檢

夫蘇氏除世長至弁史各有傳予讀唐書宰相世表觀其
人至繁衍顯盛也今畧序之使好事者得誦說焉按表蘇

氏猶有秘書監一人踐言都督一人琛駙馬都尉二人彥

伯雲郎中二人縮工部獻駕部刺史八人直台州澄沁州

均虔州務寂梓州妙泉州易黃州奕光州繫滄州太府卿

一人檀太守一人顏淮安曉衛將軍一人避國子司業一

人虔王傅一人盈而其系推自平陵侯檢別為蘇氏非平

武功縣志卷之三

九

陵侯後

踐言良嗣子琛直次子彥伯良嗣孫雲良嗣曾

孫縮澄子獻幹子直夔子澄威孫均易子

子務寂踐言子妙又子易通孫奕訖孫繫易

孫盈瓌孫嘉王傅按表又有濟州刺史昱

幹弟又按良嗣傳踐言子務元邵王府長史

宋蘇曉字表東父瓚仕後唐歷秘書少監曉宋初為淮南

轉運使歲入百餘萬緡開寶三年遷司勳郎中改西川轉

運使仍掌京城市征發李守信贓拜右諫議大夫判大理

寺卒年七十三然深刻少恩非長者云

李守信市木秦隴間盜官錢鉅萬既受代為部下所
發至中牟自剄於傳舍太祖命曉按之逮捕甚眾

游光濟官至大理寺丞贈朝請郎子師雄最知名

蘇昞字季明與游師雄同學于張載乃後昞又卒業二程元祐末召大忠薦之起布衣爲太常博士坐元符上書入邪籍編管他州卒

大忠字道僧大忠之兄薦昞謂其德性純茂強學篤志行年四十求仕進真西山讀書記云胡安國譏昞越職上書必有非所宜言者

游師雄字景以第進士爲儀州司戶參軍順德軍判官與

順德軍宋史作德順軍

鄜延諸將計議邊事賴以無患元祐初爲宗正主簿議棄四砦事甚力執政弗從遷軍器監丞夏人謀分據熙河師雄語劉舜卿制之之策已而皆大捷斬獲幾四千人虜鬼

議棄四砦事執政不聽因有分疆錄

章及其大首領九人遷陝西轉運判官提點秦鳳路刑獄

武功縣志卷之三

二十

七聖當作七砦

夏人侵涇原復入熙河師雄議於定西通渭之間建三柵及護耕七聖以固藩籬爲無窮之利詔以師雄議付范育入拜禮部員外郎加集賢校理爲陝西轉運使計轉輸事

范育字異之三水人祥符

上皆從之有詔詣闕哲宗勞之曰洮州之役可謂雋功但恨賞太薄耳拜衛尉少卿上數訪邊防利病師雄具慶歷以來邊臣施置之臧否朝廷謀議之得失及方今禦敵之要凡六十事名曰紹聖安邊策上之出知河中府進直龍圖閣知秦州未至夏人擾邊詔攝熙河與使者及秦帥共謀之師雄志在築城守禦而使者方銳於討擊然卒用師雄策自復洮州之後于闐大食佛林邈黎諸國皆懼悉遣

熙寧宋史作

使入貢未幾還秦徙知陝州卒年六十師雄慷慨豪邁小有文學事橫渠張載益得其奧及彼委用有志事功議者以用不究才爲恨弟師韓亦以英俊知名子靖竑竑均皆舉進士傳其家

游靖舉進士爲河南府左軍巡判官管勾秦鳳路機宜文字有學行克肖厥父文章管公應理時以爲工

元康氏諱廷瑞字子安讀書長寧西門原上有弟子數百人宗師子安明性理之學於是稱之曰西原先生後辟爲興化訓導其行事見家譜大傳孫諱汝楫在皇明最有勲德

按縣號東里

皇明康氏諱汝楫字濟川洪武初舉明經爲縣學訓導太

明一統志汝楫以儒術起家洪武初歷官四川安岳知縣有治績

祖皇帝選天下文學知名之士教太子諸王乃以訓導爲燕王相參錄其軍國事洪武末出爲安岳知縣靖難後太宗皇帝徵赴行在拜行部左侍郎留北京輔皇太子凡城守置治事皆聽便宜行之侍郎有大勲德上將封之爲侯固死不拜比卒又上表乞勿賜贈諡上竟皆允之一日上召其子俱來值中子**年賈**在外廼以長子**諱爵**爲上林苑監左監正季子**標**爲監副又賜中子年千金鐘數十千貫勅關津吏往來不得詰察上謂廷臣曰侍郎忠其子孫必忠聞侍郎尚有孫俟長當并官之又曰二子初仕或未諸

按明史選舉
志洪武十八
年廷試擢一
甲進士丁顯

等為修撰二
甲馬京等為
編修此云十
三年進士又
云及第俱誤
庶舉景泰四
年鄉試

悉法禁錦衣衛可記名有過勿刺洪熙元年贈工部尚書
諱爵字以德在上林卽條陳山西苑戶久役之苦上皆從
之累遷南京太常寺卿禮字以敬有文名官至右通政太
常子諱健字自強天順初有詔起尚書孫應祀者受通政
司知事知事子諱鑑字振遠世稱康長公以文章名世目
曰關西夫子仕為平陽府知事其言語行事並見家譜大
傳子皇字德瞻七歲能詩十八歲死以次子海贈翰林院
修撰

馬京字子高少學於康尚書以文學知名洪武十三年進
士及第授翰林院編修永樂初拜行部右侍郎未幾卒仁

武功縣志卷之三

三

宗皇帝贈少傅禮部尚書諡文簡京為人方正有才思立
朝多所建明上嘉納之然取之囹圄之中而卒於效用之
始故其美大莫究時論惜焉子健以蔭為太常寺典簿後
至兵部主事天順末主事孫昭舉鄉試後為武邑知縣昭
子安以例為國子生終榮河知縣

按明史京與陳壽許思溫瘦死獄中洪熙元年贈榮祿
大夫少傅諡文簡志云取之囹圄之中卒於効用之始
又云贈禮部
尚書俱無考

列女帝譽元妃姜原有縻氏女也初無子與帝譽裡祀郊
媒以求有子出遇巨人跡悅而踐焉震動有孕乃生石稷
是為周人生民之祖詩曰厥初生民時維姜原蓋此之謂

也餘見史記周本紀

太姜者周太王妃有邵氏女也生太伯仲雍王季太姜有
色而貞順率導諸子至於成童靡有過失太王謀事必於
太姜太姜相太王修復后稷之業積德行義至其孫武王
遂有天下此太姜之德也

洎字連波右
將軍子爽之
孫即之第二
子也該通經
史

金輪皇帝製
文云縱橫八

寸題詩二百
餘首才情之
妙超今邁古

對山有李節
婦歌
銳臨胸玉簪
文圓子

洎秦竇洎妻蘇氏名蕙字若蘭陳留令武功蘇道質第三
女也年十六歸于竇氏洎甚敬之符堅寇襄陽以洎為安
南將軍留鎮襄陽洎擣寵姬趙陽臺往蘇氏怨之不肯與
俱而洎竟與斷音問後蘇氏悔恨自傷因織錦為回文縱
廣八寸計八百餘言縱橫反覆皆成文章因以寄洎襄陽
洎覽之感其意於是迎蘇氏來襄陽而歸陽臺於關中恩
好愈篤焉著有文詞五千餘言隋亂不傳止傳其回文回
文有武后記言蘇氏事甚詳

武功縣志卷之三

三

皇明丁氏喬銓妻銓死無子守節四十餘年始終無玷正

德二年知縣鍾仁以聞後八年命始下知縣紹表其門

喬氏李銳妻銳死貧無以依挈其女居故族兄祿家織紵

自活幾四十年女子已嫁值婿死乃更與女居節操莊嚴

士大夫累言諸有司知縣璋至始上聞于朝云

王氏周村人郝讓妻讓少喪父母武氏年二十餘寡居辛

苦萬狀匍匐至讓成立為取婦有子子夭乃讓亦死王氏

武氏之節從
王氏口中再
為敘述而王
氏之節與孝
自著

唐進士有蘇
源明見人物
志

宋進士有蘇
紇見陝省通
志

志

以洪武十二
年方罷科舉
京係十八年
進士鄉試無
所考通省志
京舉二十九
年丙子鄉試
又云欽賜進
士俱誤
明史選舉志

親鄰多勸之嫁不從曰有姑在不可無與養也姑乃更勸
之王氏曰姑昔值舅亡有盛年艾容誓死不更人所以極
辛苦者徒以讓爾今讓不幸死無能終老母之養妾為之
婦忍姑更爾爾那於是卒意自守力作養姑終身不衰

選舉志第七

武功代有豪俊其被與選舉要不妙矣自傳記所載者
魏有蘇則舉孝廉後魏有蘇亮蘇湛舉秀才唐蘇瓌蘇頲
蘇踐言蘇維蘇獻富嘉謨蘇弁蘇亶蘇奕蘇慎蘇顏蘇虔
蘇檢舉進士蘇幹元讓蘇澄蘇均蘇務寂蘇妙蘇易蘇繁
擢明經蘇詵蘇盈舉賢良方正宋游師雄游靖游竝游蟻

武功縣志卷之三

詩

游竝游竦元張泰皆舉進士泰子張緝孫張顯舉鄉貢明
興科舉之制未定其舉明經有先尚書公舉進士有馬文
簡公舉人材有吉安府同知王璽瑞州府同知文顯德安
倉大使康舉自科貢之制定士非此不能仕今刻諸科貢
者於篇使後世足覽焉

洪武十二年一人馬京見前三十年二人黃琮岳州府通判成

禮涪州禮涪州三十三年三人張羽顯子文水縣知縣李源高唐州吏目董嚴

永樂元年一人舒忠朔州學訓導三年一人李欽驍騎衛經歷六年

一人景昇房山縣主簿九年二人張純子岩武邑縣學訓導十二年一

洪武三年八月特設科舉
明年會試令
各行省連試
三年既而罷
科舉不用至
十五年復設
十七年始定
科舉式後遂
以為永制
宋景濂會試
紀錄序自壬
子至甲寅三
歲連貢歲擢
三百人逮於
乙卯始復舊
制
志科貢是極
整極鍊之文
非題名錄也

人趙庸十五年二人魏浩譙忠十八年三人楊普張敏武

成二十一年二人劉徵引禮舍人王煇

宣德元年一人符信以子泰封鄭府右長史

正統三年一人符泰洪洞永平學訓導林偃城學教諭鄭府右長史六年一人丁

瑄乙丑進士行人九年二人張翺清遠肅寧縣縣丞絳州判官李紀趙州學訓

導十二年一人景丙

景泰元年二人張輔羽子太原府推官劉縉臨縣知縣四年二人陶清

馬昭京孫武邑縣知縣七年一人馬驥潞城學訓導房山南部縣知縣

天順三年一人丁仕能璿從子濰縣平陸富順學教諭大同縣知縣六年一人

李琳蠡武強縣知縣

武功縣志卷之三

五

成化元年二人李得春平陽南陽府學訓導馬馴驥弟二十年進

士戶部主事員外郎河南按察司僉事布政司右參議四川左參政進右布政使致仕

雲潞城鹿邑學訓導吳江商河學教諭密雲衛學教授國子監助教代府右長史十六年一人文

朴顯從曾孫淳山縣知縣

弘治二年二人侯相蒲州學正湯陰縣知縣楊和閩中臨淮訓導玉田縣知縣濟州

判十一年三人楊秉中舟子正德六年進士行人監察御史康海十五年進

士翰林院修撰劉臣丹稜縣知縣十四年一人李堯賓得春子十七年三

人康浩鑿中子正德六年進士戶部主事吳世瞻銅梁縣知縣張舜舉羽元孫太原麻

城學教諭儀封內鄉縣知縣

正德二年一人趙雍熙壺關任邱學教諭清遠縣知縣五年二人楊瑄景

子許州 朱維屏 縣學訓導 十一年二人牛兆祥 經子李朝綱

陽曲縣 學教諭 十四年二人耿儒耿朝用

貢**洪武**時十人鄭岩 邑縣知縣 張憲 部主事 袁溥 二十

浙江按察 王裕 壽縣知縣 崔裕 昌學訓導 楊貞 二十

戶部 王用 二十九 年刑 鄧忭 三十一 年山西 楊凱 三十

縣知 張貞 三十 年 按察司 經歷 楊凱 三十 年銅梁

永樂時十人張謙 府檢校 鄭訥 四年 耿輝 六年 府軍 王郁

八年劉鈞 十年定興 楊沂 十二年留守 徐智 十四 年 何王 十六

川安撫 馬健 十八年鴻臚 虎文 二十 年

洪熙時一人文郁 元年 州吏目

武功縣志卷之三

宣德時六人李璿 二年 宋瑀 四年 王佐 六年 何著 八年 墊江 朱琛

九董璉 十年 正統時十四人鄧信 元年 李茂 二年 宇文泰 三年 光祿寺監 馬

夏四年包整 五年富 宇文政 六年 李恭 七年 李俊 八年 段進 九年 曲

簿李籽 十年平陽 殷倫 十一年 張本 十二年 三萬衛 經歷 王

瑾 十三年 府典儀 張隆 十四 年

景泰時七人趙興 元年 大許敬 二年 劉福 三年 江都 党惠 四

澤州學訓導 鄭莊 五年 榆馬寅 六年 內鄉縣丞 張鳳 七

慶衛學教授 社縣丞 王翰 六年 江寧 申靖

天順時四人曹俊 二年 李永 四年 順慶 王翰 六年 江寧 申靖

八年 荻水 六年 又許貢四十已上者十人郭維新 東昌 知事

府典儀上下 續遺一字

尚望 中城兵馬副指 侯清 蒙城縣丞 苟容 絳州稅課局大使 李尚義 葛

瑤 衛輝遞運使 審春 楊福 河陰縣 劉彧 溫江縣主簿 任和

成化時十一人 張繪 二年安慶府山子壽 李文圓 四年序班

臨朐縣 康長公 諱鏞八年 馬負圖 十年杞縣丞 康演 舉會孫十二年

子玉 十四年修武縣主簿 康錫 長公弟十六年 張通 十八年岳池縣主簿 李迪 二十

年衛輝 劉振 二十二年 州府檢校

弘治時十一人 閻秀 元年夏縣主簿 楊舟 三年夏縣學訓導 張巽 孫

五丁丙 七年大同左衛學訓導 鄭府伴讀 李本 九年金堂縣主簿 朱聰 十年貴州蠻夷長官

司吏 牛經 十一年常州府經歷 康錦 長公季弟十二年 党資祿 十三年富順縣

丞 劉大經 十五年大同縣丞 馮義 寅子十七年南城兵馬司副指揮

武功縣志卷之三

三

正德時張鸞 朔季子元年朔州山陰學訓導 蔡蘭 三年宜陽學訓導 康永嘉 寅子五年

符璫 泰子五年西鄉貢 趙章 七年奉化學訓導 楊珂 景隆子九年順慶府學訓導 党旺

惠子 十一年汜水學訓導 張儒珍 十三年河間縣訓導 張秉 勗中子十五年

武功之士。所進用於昌時者。如是而已。舊志不列其行事。

夫國家承平百五十年。諸君子豈無表然在人者。今已不

述。後何以觀焉。余於是懼。因鄉先生各道其所知。乃畧著

其行事。於乎盛哉。錄不及其存者。君子事定於蓋棺之後

也。

張憲美儀羽。侖儻有氣。年十八歲。貢入太學。太祖愛之。以

為刑部主事。上每以部中事問憲。憲應對殊有條理。同官

此於舊志人物後列為科貢人物作傳格與官師志載知縣二十七人畧同但彼為一篇此分兩篇耳

十八歲貢入太學遂為主事亦罕有者

夾獄無滯是
得令名之第
一端

不失諸生本
也

真能員也

証人也

有遺愛便不
朽

以禮自處方
能以禮教人

有罪者或引及憲上曰是我小主事那必非若比遂置不問乃後竟以引逮謫戍鞏昌至元孫瑛有功陞百戶

袁溥字汝公為浙江按察司僉事有令名訟者至則迎刃而決無有凝滯以呈誤左遷吳縣知縣後又坐解戶失金謫戍

黃琮字伯玉通周易為岳州通判能其官人稱廉平歸時行李蕭然若諸生時也

張羽字仕儀為文水知縣政令嚴明發摘若神桀民有稱十虎三彪一太歲者羽悉按法徙之時以為能

王用初為刑部主事用法平恕私門亡所交接事聞太祖皇帝嘉賞之因遷員外郎

武功縣志卷之三

李紆為平陽府通判平陽人云有遺愛焉

符泰字伯亨信子也舉時年十八在太學聞母憂徒跣至

家廬居墓側者五百日父命徙歸乃更廬于中門外免喪

除洪洞訓導能以禮教諸生自令丞士太夫以下皆殊敬

之有繼母憂改永平學天順初上言十一事極論時政得

失訓導滿遷林縣教諭先是吏部以泰擬選御史會日皆

不預再有繼母憂改偃城攝偃城縣民以為平乞為令巡

撫累疏薦補不報教諭滿乃拜鄭府右長史在鄭府多有

諫正王敬納之詳見家集泰篤厚恭謹孝友天成居鄉守

官人無間言年六十七卒于官子璉為西鄉學生正德五年貢太學

丁公固善人
李侍郎亦古
君子也惜未
志其名

丁璿字大器第進士除行人為人溫恪剛躁所交人無小大皆敬信之卒後士大夫過者必哭加贈焉成化甲辰饑李侍郎來賑關中行縣至則首訪其家拜其妻歎曰吾大器乃如此天乎善人何尤即以所有資俸盡與之後其妻亦以貧死子紹先讀書無成死無子

有惠政故人
愛之

張翹字鳳儀為清遠縣丞有惠政士大夫至今傳誦其賢改肅寧治效若清遠後遷絳州判官益為絳人所愛子秉鸞皆歲貢

武功縣志卷之三

三

可為貧士有
志者法

李紀以貧為趙州訓導質朴無華教人勤懇詳至罷歸後乃益貧又不欲干謁人猶聚徒教授取給焉可以知其志矣

教童子當如
是也

馮寅字子敬未仕時聚童子為小學之教凡灑掃應對之屬曲盡其節後為內鄉丞歸已足以自養矣猶孳孳教人不憚煩碎有古昔鄉先生之風焉今士大夫謝仕以居者或不欲自課其子孫况凡民童子哉

子敬為對山蒙師嘗奇對山而
予之可謂能知人矣見對山集

謝什
子敬為法

尚望字周臣為中城兵馬副指揮有膽氣能不奪於豪貴禁奸止暴令出唯允中城人殊敬畏之至今猶以為良兵

清河張陳鼎
敘雲間周式
謝感應篇行
義因及武功
志三神事謂
此傳與官師
志蘇公張儀
事也

百金不慙可
謂真爽慨矣

雞鳴而起即
以身示教之
一端也

金城今蘭州
堅號容思

不請托不談
此事知其門
道於容思前
陽講學時也

馬云。有劉原者。故無子。以養子治業。及原有子。原未幾死矣。養子私其蓄積。母肯與原子。原妻歷訴。皆為養子請托。失理。一日妻夢原令訴望所。妻來訴。望已先夢原。訴指其匿貨所在。隨發得之。人以為神。遷順天府推官。致仕。年七十卒。

馬驥字漢房。潞城訓導。遷房山知縣。有父憂。改南部。性爽。慨重然諾。好義有氣。隣里婚喪。多所成助。出百金。急人之難。無恡色。篤愛同氣。老而不悔。罷南部歸。日與士大夫故舊遊宴相樂。曰。歲月如坂上走丸。直不可不遣也。年六十五卒于家。

武功縣志卷之三

三

楊福字宗善。甘貧嗜學。居寶意上方。從游及門者。若將百人。福每雞鳴而起。寒暑風雨無所間。後除河陰訓導。以所教於寶意者教之士子。沛然從焉。至今河陰人猶稱福善教不忘也。福後卒於河陰。

李得春字時魁。初為平陽訓導。年甚少也。能自治威嚴。諸生成畏憚之。後改南陽金城。段先生堅知南陽。獨禮重之。段先生號有理學。故得春益造詣。問謬。遷壺關。教諭。以憂改榆次。致仕歸。貧至居敝不葺。人以為難。未嘗請托。長吏閒居詠歌古昔。絕不談世事。年八十卒。

魏璽字廷寶。歷潞城鹿邑訓導。吳江商河教諭。所至皆有

非禮不聽自然非禮不言

欲以簡易理衛繫誠有所見

霍邱志明初主簿段進武功人由監生

嚴憚遷國子助教再遷代府右長史卒于官璽為人質直好義嗜學秉禮平日未嘗妄言謾論聞非禮之言則耳頰俱赤待人無家寡小大各得所敬曰施報之際固宜若此爾年六十八卒

侯相字良弼以親老求為蒲州學正學正滿遷湯陰縣知縣湯陰道衝政繁相欲以簡易為理遇當塗者或至闕畧體面當塗者乃以為迂相益自信不肯易居二年有憂歸尋罷縣貧居尚志年五十八卒

其以例入監者天順六年四人王聚大同府知事張禮南皮縣知事宇文縉大寧前衛經歷宇文慶通江縣主簿

武功縣志卷之三

三

成化二十年八人郭友鴻臚寺序班王縉聚子鴻臚寺序班馬萬國驥子

雙流曹馬萬衢驥子清豐縣主簿陳紀伊德馬安昭子東安主簿萊縣縣丞榮河

縣知王大經聚子伊府典儀正

正德三年十人王佩昭子馬萬域驥子魏鏤璽子劉璣大經子

子馬執中騶子王官丁誥紳子張世紳王繼祖子王堂

璣子十年三人張仲儒馬正中騶子馬存信安子

掾史入官者成化已上縣不過數人今益多不可勝紀矣

取其卓然名於官者列諸篇焉

張輝廣陵縣典史李能內鄉縣典史楊景隆鳳陽廣齊關河泊所官景德章南樂

縣縣丞楊景懷光祿寺監事丁紳邯鄲縣典史賀澄縣典史楊景新

河津縣 王昭 丹稜縣 張翹 濟南 宋得山 溧水縣 魏經 高

史典

武職趙興 蔚州衛指揮同知 靳通 定遼後衛指揮僉事 秋敬 會州衛千戶 王大州

衛百戶至子英 杜安 開平衛副千戶 馬記 留守前衛副千戶 張瑛 憲元孫

百餘四 涼州衛百戶 李貴 寬河衛百戶 賀胡兒 河州衛百戶 李忠 興隆左衛百戶

封贈尚文英 望父贈中城兵馬司副指揮 馬肅 馴父贈戶部主事 康鑾 長公弟

戶部 主事

耆民馬宗祿 有信義持是非鄉人服焉年九十三歿 康和 舉子長厚有禮於

日人唾吾拭人打吾避人罵吾 謝吾何較乎人至今稱其言 党端 富財好義喜怒不形

察得之謂曰不足何不告我而若此更以所 偷今子弟予而遣之終身不肯言偷兒名 喬鼎 謹厚詳

無所爭與弟龜並有良名又皆順 張朋舉 親宗睦隣無所

貌美髯鄉人目曰大髯小髯云 張朋舉 怨惡歿時年八

十又 九

層古外切音膾 芻藁之倉也

許西子曰余為武功志其義例皆見諸篇余不知其詳與

畧也故猶望後之君子繼而正焉志作於正德十四年秋

七月朔日成於是秋八月三日冬十月十九日隴郡馮韶

書成入梓

武功縣志卷之三

原跋

夫志鄉國之史作者詳或失之泛簡或失之畧私失之去
取不守一如是志法廢矣昔者司馬氏世為太史談未及
者遷畢其論著為史家獨步我康長公會作武功志散失
不存對山太史繼而成之其繁簡取捨咸得精守說者謂
不愧司馬父子其知言哉正德庚辰春二月北山居士楊
武跋

武字宗文岐
山人官僉都
御史

邑庠生

張筠松友

桂殿盈玉階

武功縣志跋尾

孫燮午卿

魏大作芥菴校字

康對山先生武功縣志後序

明毅元康對山著武功縣志七篇簡而有體質而彌文辭
直而事核善惡益述以寓勸懲無虛恢無隱避爲實錄而
近理論者比之太史公書夫是固記載之極軌志乘之標
則也顧歲久漶漫已亥難稽乃翻刻時復有從而點竄動
移者於康對山之志其非完書久矣西峰先生者言輒及
之爲形歎息適余家中故有所藏原刻善本迺取以詳校
而訂正用還對山之舊而七篇復成完書更以其平日所
獨心得或參考諸史集者爲評且註也邑侯瑪公刻對山
文集旣竟因續付梓匝閱月而工告竣焉昔王新城歷數
武功縣志

後序

秦中名志獨以武功爲第一而凡他著述家皆莫不亟稱
其美善今且復得西峰先生評註俾後之讀者作者咸知
法焉遠矣哉其嘉惠之心蓋亦曷有弗極也至書中義法
之精深體例之微密已具詳先生與邑侯序中故第爲識
其顛末如此云

乾隆二十六年歲在辛巳冬十月望後五日邑後學張洲

萊峰書